

四庫全書

史部

欽定四庫全書

資治通鑑卷一百七十二 宋 司馬光 撰

胡三省 音註

陳紀六

起旃蒙協洽盡柔兆涖灘凡二年

高宗宣皇帝中之上

太建七年春正月辛未上祀南郊 癸酉周主如同州

乙亥左衛將軍樊毅克潼州

五代志下邳郡夏丘縣梁後齊置潼州治取慮

城潼音童

齊主還鄴

去年二月齊主如晉陽討思好尋已還鄴八月復如晉陽今還

辛

已上祀北郊

陳制亦以間歲正月上辛用特牛一祀天地於南北二郊間歲者一歲祀南郊一歲

祀北郊也

二月丙戌朔日有食之 戊申樊毅克下邳高

柵等六城

地形志下邳郡有柵淵縣武定八年分宿豫置柵楚格翻

齊主言語澁

呐不喜見朝士自非寵私昵狎未嘗交語

澁色立翻不滑順也呐女

劣翻聲不出也趙文子其言呐呐不能出諸口喜許既翻朝直遥翻昵尼質翻性懦不堪人視

所謂弱顏也懦乃卧翻又奴亂翻

雖三公令錄奏事

令尚書令錄錄尚書事

莫得

仰視皆略陳大指驚走而出承世祖奢泰之餘

齊主之父廟號

祖世以為帝王當然後宮皆寶衣玉食一裙之費至直萬

匹競為新巧朝衣夕弊

朝衣於既翻

盛脩宮苑窮極壯麗所

好不常數毀又復

好呼到翻下同數所角翻

百工土木無時休息夜

則然火照作寒則以湯為泥鑿晉陽西山為大像一夜

然油萬盆光照宮中

晉陽宮也

每有災異寇盜不自貶損唯

多設齋以為脩德

後之有天下者可以鑒矣

好自彈琵琶為無愁之

曲近侍和之者以百數民間謂之無愁天子

五代志帝倚絃而歌

別採新聲為無愁曲音韻窈窕極於哀思使胡兒聞宮

輦齊唱和之曲終樂闋無不殫涕雖行幸道路或時馬

上奏之樂往哀來竟

於華林園鄴都有華林園華如字

立貧兒村

帝自衣藍縷之服行乞其間以為樂

衣服穿弊如懸鶉者為藍縷衣於既

翻下人衣同

又寫築西鄙諸城使人衣黑衣攻之帝自

樂盧各翻

帥內參拒闕

寫築者寫諸城之形而築以象之黑衣者象周之戎衣內參者諸閹宦也帥讀曰率

寵任陸令萱穆提婆高阿那肱韓長鸞等宰制朝政宦

官鄧長顓陳德信胡兒何洪珍等並參預機權

朝直選翻顯魚

容翻各引親黨超居顯位官由財進獄以賄成競為姦諂

蠹政害民舊蒼頭劉桃枝等皆開府封王其餘宦官胡

兒歌舞人見鬼人官奴婢等濫得富貴者殆將萬數庶

姓封王者以百數開府千餘人儀同無數領軍一時至
二十人侍中中常侍數十人乃至狗馬及鷹亦有儀同

郡君之號有關雞號開府皆食其幹祿

魏齊官制凡祿各以品秩為差

官一品每歲祿八百匹二百匹為一秩從一品七百匹
一百七十五匹為一秩二品六百匹一百五十匹為一
秩從二品五百匹一百二十五匹為一秩三品四百匹
一百匹為一秩從三品三百匹七十五匹為一秩四品
二百四十匹六十匹為一秩從四品二百匹五十匹為
一秩五品一百六十匹四十匹為一秩從五品一百二十
匹三十匹為一秩六品一百匹二十五匹為一秩從
六品八十匹二十匹為一秩七品六十匹十五匹為一
秩從七品四十匹十匹為一秩八品三十六匹九匹為
一秩從八品三十二匹八匹為一秩九品二十八匹七

匹為一秩從九品二十四匹六匹為一秩祿率一分以帛一分以粟一分以錢幹出所部之人一幹輸絹十八

匹幹身放之

諸嬖倖朝夕娛侍左右

嬖卑義翻又博計翻

一戲之費動

踰巨萬既而府藏空竭

藏但浪翻

乃賜二三郡或六七縣使

之賣官取直由是為守令者率皆富商大賈

守音狩賈音古競

為貪縱民不聊生

史極言齊氏政亂以啟敵國兼并之心又一年而齊亡有天下者可不以

為鑒乎書名通鑑豈苟然哉

周高祖謀伐齊命邊鎮益儲侍加戍卒

侍直里翻

齊人聞之亦增脩守禦柱國于翼諫曰疆場相侵

互有勝負徒損兵儲無益大計不如解嚴繼好使彼懈

而無備然後乘間出其不意

好呼到翻懈古隘翻間古莧翻下間隙乘間同

一舉

可取也周主從之韋孝寬上疏陳三策

上時掌翻

其一曰臣

在邊積年頗見間隙不因際會難以成功是以往歲出

軍徒有勞費功績不立由失機會

周主保定初再伐齊攻并州圍洛陽趣懸

瓠出斬關皆無功事見一百六十九卷世祖天嘉四年五年爭宜陽爭汾北事見一百七十卷太建元年至三

年

何者長淮之南舊為沃土陳氏以破亡餘燼猶能一

舉平之

曰破亡餘燼者言陳氏承梁元帝江陵破亡之後收合餘燼再立國於江南燼徐亦翻火餘燭

餘曰齊人歷年赴救喪敗而返

事見上卷五年六年喪息浪翻

內離外

叛計盡力窮讎敵有豐不可失也

左傳闕伯曰讎有豐不可失也豐與豐

同字文高氏世為讎敵

今大軍若出軹關方軌而進

五代志軹關在河內郡王

屋縣周師若自軹關出險趨鄴前無阻隘可以方軌橫行

兼與陳氏共為掎角

欲約陳共

攻之左傳譬如捕鹿晉人角之諸戎掎之角者當其前掎者掎其後掎居綺翻

并令廣州義旅

出自三鵠

魏永安中置廣州於魯陽魏分東西廣州西屬三鵠谷在魯陽界

又募山南

驍銳汾河而下

周都長安以褒漢荆襄為山南驍堅堯翻下同

復遣北山稽胡

絕其并晉之路

稽胡南匈奴之餘種散在河東西河郡界阻山而居在長安北復扶又翻并卑

翻經

凡此諸軍仍令各募關河之外勁勇之士厚其爵賞

使為前驅

關河之外指齊境而言
欲募其土人以為鄉導

岳動川移雷駭電激

百道俱進並趨虜庭

趨上喻翻

必當望旗奔潰所向摧殄一

戎大定實在此機

武王伐紂一戎衣而天下大定

其二曰若國家更為

後圖未即大舉宜與陳人分其兵勢三鶚以北萬春以

南

萬春地名新唐志武德五年析龍門置萬春縣蓋以舊地名名縣也三鶚以北萬春以南章孝寬表指周

東北之境舉兩端而言

廣事屯田預為貯積

貯直呂翻

募其驍悍立為

部伍

悍侯肝翻又下罕翻

彼既東南有敵戎馬相持

謂齊人與陳人為敵也

我出奇兵破其疆場

場音亦

彼若興師赴援我則堅壁清

野待其去遠還復出師

復扶又翻

常以邊外之軍引其腹心

之衆我無宿春之費

莊子適百里者宿春糧

彼有奔命之勞

左傳申公

巫臣遺楚令尹子重司馬子反書曰吾必使汝疲於奔命以死於是導吳伐楚子重子反一歲七奔命

一

二年中必自離叛且齊氏昏暴政出多門鬻獄賣官唯

利是視荒淫酒色忌害忠良闔境嗷然不勝其弊

閩戶臘翻

勝音

以此而觀覆亡可待然後乘間電掃事等推枯

閩古

寬翻其三曰昔句踐亡吳尚期十載

左傳伍員曰越十年生聚十年教訓二十

年之外吳其為沼乎此言十載以教訓言之也句音鉤踐慈演翻載作亥翻

武王取紂猶煩

再舉

史記武王三年喪畢觀兵孟津諸侯不期而會者八百皆曰紂可伐武王曰汝未知天命乃還師三

年紂淫暴日甚武王告諸侯曰殷有重罪不可不伐遂復伐紂滅之今若更存遵養詩周

鑠王師遵養時晦毛傳云遵率養取晦昧也鄭箋云文王率殷之叛國以事紂養是晦昧之君以老其惡自是

說者悉祖其義故云然且復相時左傳相時而動無累後人復扶又翻相息亮翻臣謂宜

還崇鄰好申其盟約安民和衆通商惠工蓄銳養威觀

豐而動斯乃長策遠馭坐自兼并也

好呼到翻通商惠工左傳語自古以

來謀臣智士陳三策者其上策率非常人所能行中策亦必度其才足以行之然後能聽而用之通鑑蓋謂于

翼韋孝寬所見略同也書奏周主引開府儀同三司伊婁謙入內

殷

伊婁虜複姓拓拔之興於代北也獻帝以其次弟為伊婁氏

從容謂曰朕欲用兵

何者為先對曰齊氏沈溺倡優耽昏麴蘖

從七容翻沈持林翻倡音

昌蘖魚列翻

其折衝之將斛律明月已斃於讒口

事見上卷四年將即

亮翻

上下離心道路以目

道路以目本周語言道路以目相視而不敢言

此易取

也

易以政翻

帝大笑

喜其所見與已同

三月丙辰使謙與小司寇元

衛聘於齊以觀豐

為周滅齊張本拔偉今從周書帝紀

考異曰謙傳作拓余按伊婁與

拓拔同所自出而各為氏則伊妻謙本傳作拓拔不為無据

丙寅周主還長安

自同

州還還從宣翻又音如字

夏四月甲午上享太廟

監豫州陳桃

根得青牛獻之

監工
銜翻

詔遣還民又表上織成羅文錦被

各二百首

上時
掌翻

詔於雲龍門外焚之

庚子齊以中書

監陽休之為尚書右僕射

六月壬辰以尚書右僕射

王瑒為左僕射

瑒雄杏翻
又音暢

甲戌齊主如晉陽

秋七

月丙戌周主如雲陽宮大將軍楊堅姿相奇偉

堅為人
龍顏額

有五柱入頂目光外射有文在手曰王

長上短下沈深嚴重相息亮翻下同

畿伯下大夫長

安來和

畿伯周置屬大司徒杜佑曰周地官之屬每
方畿伯中大夫也每縣小畿伯則下大夫

嘗

謂堅曰公眼如曙星無所不照當王有天下

曙星向曉
之星其光

閃爍曙常翻王于況翻恕

願忍誅殺

蓋以其姿相殺氣重也後堅之篡內夷宇文外翦尉遲迴擅讓

王謙死者不可勝數人固有相乎

周主待堅素厚齊王憲言於帝曰普

六茹堅相貌非常

堅父忠從周太祖屢有戰功賜姓普六茹氏

臣每見之不

覺自失恐非人下請早除之帝亦疑之以問來和和詭

對曰隨公止是守節人可鎮一方若為將領陳無不破

言不以實曰詭將即亮翻

丁卯周主還長安先是周主獨與齊王憲

及內史王誼謀伐齊

先悉薦翻

又遣納言盧韞

周保定四年改宗伯為納

言

乘駟三日詣安州總管于翼問策

駟人質翻驛傳也周置安州於安陸

餘人皆莫之知丙子始召大將軍以上於大德殿告之

丁丑下詔伐齊以柱國陳王純榮陽公司馬消難鄭公

達奚震為前三軍總管

難乃旦翻

越王盛周昌公侯莫陳崇

侯莫陳崇已死於保定三年此又一侯莫陳崇也不則崇字誤

趙王招為後三軍總管

齊王憲帥衆二萬趨黎陽

帥讀曰率下同趨七喻翻

隨公楊堅廣

寧公薛迴將舟師三萬自渭入河

將即亮翻

梁公侯莫陳芮

帥衆二萬守太行道

太行道在河陽北守之欲以斷并冀殷定之兵行戶剛翻

申公

李穆帥衆三萬守河陽道

自河陰北渡河為河陽周主將攻河陽洛陽守之以斷其

相往來

常山公于翼師衆二萬出陳汝

蓋令于翼自安州出陳汝自齊王憲

以下皆指授諸將所出之道

誼盟之兄孫震武之子也

王盟達奚武皆周初功臣

周主將出河陽內史上士宇文弼曰

弼音彌

齊氏建國於

今累世雖曰無道藩鎮之任尚有其人今之出師要須

擇地河陽衝要精兵所聚盡力攻圍恐難得志如臣所

見出於汾曲戍小山平

汾曲汾水之曲也

攻之易拔用武之地

莫過於此

易以鼓翻

民部中大夫天水趙瑗曰

民部蓋屬大司徒瑗俱永

翻

河南洛陽四面受敵縱得之不可以守請從河北直

指太原

此即出蒲晉抵晉陽路其後周主再舉卒出於此

傾其巢穴可一舉而

定遂伯下大夫鮑宏曰

遂伯蓋髻周官遂師之職杜佑曰周地官之屬有左右遂伯

中大夫也小遂伯則下大夫每鄉一人

我彊齊弱我治齊亂何憂不克

治直

吏

但先帝往日屢出洛陽

先帝謂宇文泰

彼既有備每有不捷如

臣計者進兵汾潞

汾潞謂汾川潞川鮑宏欲出師以攻平陽上黨也

直掩晉陽

出其不虞

不虞謂不備也虞慮也度也測也三者所及則為備

似為上策周主皆

不從

周主蓋欲淺攻以觀豐觀其再舉所以告羣臣者可知

宏泉之弟也

鮑泉事梁元帝

江陵破

壬午周主帥衆六萬直指河陰楊素請帥其父

麾下先驅周主許之

楊素父敷死事見一百七十卷太建三年帥讀曰率

八月

癸卯周遣使來聘

周師入齊境禁伐樹踐稼犯者皆

斬丁未周主攻河陰大城拔之齊王憲拔武濟

武濟城名周武

王伐紂由此濟河故以名城

進圍洛口

洛水入河之口於此置城

拔東西二城縱

火焚浮橋橋絕齊永橋大都督太安傳伏自永橋夜入

中潭城周人既克南城圍中潭二旬不下

河陽有三城南城北城中

潭是也永橋地近三城按懷縣有永橋鎮懷縣隋唐為懷州武德縣宋白曰隋大業十一年移脩武縣於永橋

即今武陟縣潭徒旱翻水中沙曰潭地形志朔州有太安郡

洛州刺史獨孤永業守

金墉周主自攻之不克永業通夜辦馬槽二千周人聞

之以為大軍且至而憚之九月齊右丞高阿那肱自晉

陽將兵拒周師

考異曰北齊書云閏月己丑案是月癸丑朔無己丑又下有庚辰蓋誤也

至河陽會周主有疾辛酉夜引兵還

還音旋又如字

水軍焚其

舟艦

河水迅急沂流西歸追兵且至故焚其舟艦由陸道退還艦戶黥翻

傳伏謂行臺乞

伏貴和曰周師疲弊願得精騎二千追擊之可破也貴

和不許齊王憲于翼李穆所向克捷降拔三十餘城

降者

迎降拔者以兵力攻拔降戶江翻下同

皆棄而不守唯以王藥城要害令

儀同三司韓正守之正尋以城降齊戊寅周主還長安

庚辰齊以趙彥深為司徒斛阿列羅為司空

斛阿列
虜三字

姓

閏月車騎大將軍吳明徹將兵擊齊彭城壬辰敗

齊兵數萬於呂梁

敗補
邁翻

甲午周主如同州冬十月

己巳立皇子叔齊為新蔡王叔文為晉熙王十二月

辛亥朔日有食之壬戌以王瑒為尚書左僕射

瑒雉
杏翻

又音
暢

太子詹事吳郡陸繕為右僕射庚午周主還長

安

八年春正月癸未周主如同州辛卯如河東涑川

杜預曰涑

水出河東聞喜縣西南至蒲坂入河涑音速

甲午復還同州

甲寅齊大赦

乙卯齊主還鄴

去年六月如晉陽今還

二月辛酉周主命太

子巡撫西土因伐土谷渾

吐從職入聲谷音浴

上開府儀同大將

軍王軌

建德四年改驃騎大將軍開府儀同三司為開府儀同大將軍仍增上開府儀同大將軍

宮

正字文孝伯從行軍中節度皆委二人太子仰成而已

仰如字又

齊拈雜戶未嫁者悉集

魏虜西涼之人沒入名為隸戶魏武

五亮翻

入關隸戶皆在東魏後齊因之仍供廩役周平齊乃悉放諸雜戶為百姓

有隱匿者家長坐

死

長知
兩翻

壬申以開府儀同三司吳明徹為司空 三

月壬寅周主還長安夏四月乙卯復如同州 己未上

享太廟 尚書左僕射王瑒卒

考異曰陳書庚寅瑒卒案長曆是月己酉朔

無庚寅
陳書誤

五月壬辰周主還長安 六月戊申朔日有

食之 辛亥周主享太廟 初太子叔寶欲以左戶部

尚書江總為詹事

按五代志梁置吏部祠部度支左戶都官五兵等六尚書陳因梁制此蓋

左戶也
部字衍

令管記陸瑜言於吏部尚書孔奐奐謂瑜曰江

有潘陸之華

晉惠帝為太子潘岳陸機皆為東宮官

而無園綺之實

園公綺里

季羽翼漢太子盈高帝遂不易太子輔弼儲宮竊有所難太子深以為恨

自言於帝帝將許之與奏曰江總文華之士今皇太子

文華不少

少詩
沼翻

豈藉於總如臣所見願選敦重之才以

居輔導之職帝曰即如卿言誰當居此與曰都官尚書

王廓世有懿德識性敦敏可以居之太子時在側乃曰

廓王泰之子不宜為太子詹事

謂迴避父諱不
宜居是官也

與曰宋

朝范曄

朝直
遥翻

即范泰之子亦為太子詹事前代不疑太

子固爭之帝卒以總為詹事

卒子
恤翻

總敦之曾孫也

江敦
湛之

子齊朝以風流冠冕一時數音效

甲寅以尚書右僕射陸繕為左僕射

帝欲以孔奐代繕詔已出太子沮之而止更以晉陵太

守王克為右僕射

更工衡翻守音狩

頃之總與太子為長夜之

飲養良娣陳氏為女太子亟微行遊總家

亟去吏翻

上怒免

總官 周利州刺史紀王康

五代志義城郡古晉壽也後魏立益州世號小益州

梁曰黎州西魏復曰益州又改曰利州

驕矜無度繕脩戎器陰有異謀司

錄裴融諫止之康殺融丙辰賜康死 丁巳周主如雲

陽 庚申齊宜陽王趙彥深卒彥深歷事累朝常參機

近趙彥深事齊神武已掌機密至後主歷事六君朝直遙翻以溫謹著稱既卒朝貴

典機密者唯侍中開府儀同三司斛律孝卿一人而已

其餘皆嬖倖也

卒子恤翻朝直遙翻嬖卑義翻又博計翻

孝卿羌舉之子

斛律

羌舉見一百五十七卷梁武帝大同三年

比於餘人差不貪穢 秋八月乙

卯周主還長安

周太子伐吐谷渾至伏俟城而還

伏俟

城吐谷渾國都也其地即漢西海允谷鹽池在青海西吐從瞰入聲谷音浴還音旋又如字下軍還司

宮

尹鄭譯王端等

周置太子宮尹蓋即詹事之職

皆有寵於太子太子在軍

中多失德譯等皆預焉軍還王軌等言之於周主周主

怒杖太子及譯等仍除譯等名宮臣親幸者咸被譴

還從

宣翻又音如字
被皮義翻下同

太子復召譯戲狎如初譯因曰殿下何

時可得據天下太子悅益昵之

復扶又翻又音
如字昵尼質翻

譯儼之

兄孫也

亂魏朝使靈太后不
得良死者鄭儼也

周主遇太子甚嚴每朝見

朝直還翻
見賢遍翻

進止與羣臣無異雖隆寒盛暑不得休息以

其耆酒

耆讀
曰嗜

禁酒不得至東宮有過輒加捶撻

捶止
樂翻

嘗

謂之曰古來太子被廢者幾人餘兒豈不堪立邪

邪音
耶

乃敕東宮官屬錄太子言語動作每月奏聞太子畏帝

威嚴矯情脩飾由是過惡不上聞

上時掌翻

王軌嘗與小內

史賀若弼言太子必不克負荷

賀若虜複姓北史云北人謂忠貞為賀若魏孝

文帝以其先祖有忠貞之節遂以賀若為氏若人者翻荷下可翻又如字

弼深以為然勸軌

陳之軌後因侍坐

坐徂卧翻

言於帝曰皇太子仁孝無聞恐

不了陛下家事愚臣短暗不足可信陛下恒以賀若弼

有文武奇才

恒戶登翻

亦常以此為憂帝以問弼對曰皇太

子養德春宮

太子居東宮東方主春故亦曰春宮

未聞有過既退軌讓弼

曰平生言論無所不道今者對揚

對揚本於傳說召虎對答也揚稱也後人

遂以面對數
奏為對揚

何得乃爾反覆

爾如也

弼曰此公之過也太

子國之儲副豈易發言事有蹉跌

易以政翻蹉七何翻跌徒結翻

便至

戚族本謂公密陳臧否

否音鄙

何得遂至昌言

昌顯也昌言顯言也

軌默然久之乃曰吾專心國家遂不存私計向者對衆

良實非宜後軌因內宴

內宴宴於宮中也

上壽

上時掌翻

將帝須曰

將即括翻須與鬚同

可愛好老公但恨後嗣弱耳先是帝問右宮

伯宇文孝伯曰吾兒比來何如

先悉薦翻比毗至翻

對曰太子比

懼天威更無過失罷酒帝責孝伯曰公常語我云太子

無過今軌有此言公為誑矣

語牛倨翻
誑居况翻

孝伯再拜曰父

子之際人所難言臣知陛下不能割慈忍愛遂爾結舌

孝伯此言亦不可謂之不忠切也

帝知其意默然久之乃曰朕已委公

矣公其勉之王軌驟言於帝曰皇太子非社稷主普六

茹堅貌有反相

不從容而言之為驟言相息亮翻

帝不悅曰必天命有

在將若之何楊堅聞之甚懼深自晦匿帝深以軌等言

為然

為太子得位殺軌等張本

但漢王贊次長

長知兩翻

又不才餘子皆

幼故得不廢

史言周武帝明於知子而不廢太子之由

丁卯以司空吳明徹

為南兖州刺史

五代志江都郡梁置南兖州後齊改為東廣州陳復曰南兖

齊主如

晉陽營邯鄲宮

此二事也既如晉陽又營宮於邯鄲以趙故都也其地在隋唐臨洛縣邯鄲音

寒丹

九月戊戌以皇子叔彪為淮南王 周主謂羣臣

曰朕去歲屬有疾疹

屬之欲翻疹丑办翻丁度曰熱病也

遂不得克平逋

寇前入齊境備見其情彼之行師殆同兒戲况其朝廷

昏亂

朝直遥翻

政由羣小百姓嗷然朝不謀夕天與不取恐

貽後悔前出河外直為拊背未扼其喉

謂去年河陰之役漢婁敬曰今

與人闘不扼其吭而拊其背未能全勝

晉州本高歡所起之地

高歡起兵晉州事始

見一百五十四卷梁武帝中大通二年

鎮攝要重

攝總持也

今往攻之彼必來

援吾嚴軍以待擊之必克然後乘破竹之勢鼓行而東

足以窮其巢穴混同文軌

記曰今天下書同文車同軌

諸將多不願

行

將即亮翻

帝曰機不可失有沮吾軍者當以軍法裁之

沮在

呂翻

冬十月己酉周主自將伐齊

將即亮翻

以越王盛杞公亮

隨公楊堅為右三軍譙王倫大將軍竇泰廣化公丘崇

為左三軍

廣化郡公五代志河池縣後魏曰廣化置廣化郡

齊王憲陳王純為

前軍亮導之子也丙辰齊主獵於祁連池癸亥還晉陽

先是晉州行臺左丞張延雋公直勤敏儲侍有備

先悉薦翻

侍直里翻

百姓安業疆場無虞諸嬖倖惡而代之

場音亦嬖卑義翻又

博計翻惡烏路翻

由是公私煩擾周主至晉州軍於汾曲

汾曲汾水

之曲在平陽南水經汾水南過平陽縣東又南過臨汾縣東又屈從縣南西流是汾曲也

遣齊王憲

將兵二萬守雀鼠谷

水經汾水南過冠爵津在介休縣西南俗謂之雀鼠谷數十里間道

隘水左右悉給偏梁閣道累石就路縈帶巖側或去水一丈或高大丈上戴山阜下臨絕澗俗謂之魯般橋蓋

通古之津隘又在今之地險也將即亮翻

陳王純步騎二萬守千里徑

千里徑亦

當在平陽北要路之一也杜佑曰汾州界北接太原當千里徑騎奇寄翻下同

鄭公達奚震步

騎一萬守統軍川

統軍川地關

大將軍韓明步騎五千守齊

子嶺

齊子嶺在邵郡東

焉氏公尹升步騎五千守鼓鐘鎮

焉氏讀曰

燕支燕平聲焉氏縣公也地形志涼州番和郡有燕支縣因燕支山以名縣隋併入番和縣水經注教水出垣縣北教山其水南歷鼓鐘上峽又南流歷鼓鐘川西南有治官世人謂之鼓鐘城山海經曰鼓鐘之山帝臺之垣縣後魏於此置邵郡

涼城公辛韶步騎五千守蒲津

關

此涼城郡公也後魏立涼城郡於漢沃陽縣鹽澤北七里池西有舊城俗謂之涼城郡取名也按後魏自

六鎮反亂此地皆棄之不能有後周特取郡名以封爵耳漢魏以後五等之封皆無實土其來久矣蒲津關在

蒲坂因津濟處以立關漢書

趙王招步騎一萬自華谷

武帝元封六年立蒲津關

攻齊汾州諸城

水經涑水出河東聞喜縣東山叅葭谷俗謂之華谷即齊將斛律光取周汾北

以進築者也

柱國宇文盛步騎一萬守汾水關

汾水關當在霍邑縣南臨

汾縣北自此以上凡言守者皆以斷齊援兵之路獨守蒲津關者為後繼括地志汾州靈石縣有雀鼠谷汾水

關

遣內史王誼監諸軍攻平陽城

監工衡翻

齊行臺僕射海

昌王尉相貴嬰城拒守

尉紆勿翻

甲子齊集兵晉祠

地形志晉陽有

晉王祠

庚午齊主自晉陽帥諸軍趣晉州

帥讀曰率下同趣七喻翻

周

主日自汾曲至城下督戰城中窘急

窘巨隕翻

庚午行臺左

丞侯子欽出降於周

降戶江翻

壬申晉州刺史崔景嵩守北

城夜遣使請降於周王軌帥衆應之未明周將北海段

文振杖槊與數十人先登

使疏吏翻帥讀曰率將即亮翻槊色角翻

與景嵩

同至尉相貴所拔佩刀劫之城上鼓譟齊兵大潰遂克

晉州虜相貴及甲士八千人齊主方與馮淑妃獵於天

池

考異曰馮淑妃傳云獵於三堆今從高阿那肱傳余按宋白續通典嵐州靜樂縣本三堆也天池亦

在縣界

晉州告急者自旦至午驛馬三至右丞相高阿那

肱曰大家正為樂

樂音洛

邊鄙小小交兵乃是常事何急

奏聞至暮使更至

使疏吏翻

云平陽已陷乃奏之齊主將還

淑妃請更殺一圍齊主從之

按齊主獵於祁連池癸亥還晉陽甲子即集兵庚午

自晉陽帥兵趣晉州壬申晉州陷時齊主方獵於天池馮淑妃請更殺一圍審如是則晉州陷之日齊主猶在天池天池今在憲州靜樂縣至晉陽一百七十餘里自晉陽南至晉州又五百有餘里齊主既以庚午違晉陽而南無緣復北至天池竊謂獵祁連池與獵天池共是一事北人謂天為祁連故天池亦謂之祁連池通鑑釋集諸書成一家言自癸亥排日書至庚午發晉陽是據北齊紀書高阿那肱不急奏邊報是據阿那肱傳書請更殺一圍是據馮淑妃傳合三者而書之不能不相牴牾又馮淑妃傳以為獵於三堆三堆在肆州永安郡平寇縣界亦在晉陽北

周齊王憲攻拔洪洞永安二城

二城皆在晉州北洪洞城

在楊縣取城北洪洞嶺名之永安古嵐縣地隋改曰霍邑

更圖進取齊人焚橋守險

軍不得進乃屯永安使永昌公椿屯雞栖原

永昌郡公五代志巴

東郡大昌縣後周置永昌郡雞栖原在永安北

伐柏為菴以立營

菴烏舍翻漢皇甫規親入

菴廬巡椿廣之弟也癸酉齊主分軍萬人向千里徑申

晉州陷癸酉齊軍已向千里徑則知晉州陷不與獵天池同日明矣

又分軍出汾水關自

帥大軍上雞栖原

上時掌翻

宇文盛遣人告急齊王憲自救

之齊師退盛追擊破之俄而椿告齊師稍逼憲復還救

之

復扶又翻

與齊對陳至夜不戰

陳讀曰陣

會周主召憲還

還從宣翻

又如字

憲引兵夜去齊人見柏菴在不之覺明日始知之

齊主使高阿那肱將前軍先進仍節度諸軍

將即亮翻

甲戌

周以上開府儀同大將軍安定梁士彥為晉州刺史留

精兵一萬鎮之十一月己卯齊主至平陽周主以齊兵

新集聲勢甚盛且欲西還以避其鋒開府儀同大將軍

宇文忻諫曰以陛下之聖武乘敵人之荒縱何患不克

若使齊得令主君臣協力雖湯武之勢未易平也

易以鼓翻

今主暗臣愚士無鬪志雖有百萬之衆實為陛下奉耳

軍正京兆王紘曰

時因行軍倣漢制置軍正之官不常置也

齊失紀綱於茲

累世

世祖嗣立齊政不綱今再世矣

天獎周室一戰而扼其喉取亂侮

亡正在今日

取亂侮亡商仲虺之誥

釋之而去臣所未諭周主雖

善其言竟引軍還忻貴之子也

宇文貴本朔方人徙京兆仕周為大司馬非周

之族也

周主留齊王憲為後拒齊師追之憲與宇文忻各

將百騎與戰斬其驍將賀蘭豹子等

將即亮翻下同騎奇寄翻驍堅亮翻

齊師乃退憲引軍度汾追及周主於玉壁齊師遂圍平

陽晝夜攻之城中危急樓堞皆盡

樓城上敵樓堞城短垣堞徒協翻

所

存之城尋仞而已

六尺為尋七尺為仞

或短兵相接

槍槊為短兵

或交

馬出入外援不至衆皆震懼梁士彥忼慨自若

忼苦朗翻

謂

將士曰死在今日吾為爾先於是勇烈齊奮呼聲動地

呼火故翻

無不一當百齊師少却

少詩沼翻

乃令妻妾軍民婦女

晝夜脩城三日而就周主使齊王憲將兵六萬屯涑川

遙為平陽聲援齊人作地道攻平陽城陷十餘步將士

乘勢欲入齊主敕且止召馮淑妃觀之淑妃粧點不時

至周人以木拒塞之

塞悉則翻

城遂不下舊俗相傳晉州城

西石上有聖人跡淑妃欲往觀之齊主恐弩矢及橋乃

抽攻城木造遠橋

舊橋近城別造遠橋

齊主與淑妃度橋橋壞至

夜乃還癸巳周主還長安甲午復下詔以齊人圍晉州

更帥諸軍擊之丙申縱齊降人使還

帥讀曰率縱之使還使齊師知周師

將復至而懼亦以堅晉州守者之心降戶江翻

丁酉周主發長安

還長安僅三日復出師明

引歸者欲使齊師疲於攻平陽而後取之

壬寅濟河與諸軍合十二月丁未

周主至高顯

高顯蓋近涑川

遣齊王帥所部先向平陽戊申周

主至平陽庚戌諸軍總集凡八萬人稍進逼城置陳東

西二十餘里先是齊人恐周師猝至於城南穿塹自喬

山屬於汾水齊主大出兵陳於塹北

陳讀曰陣先悉薦
翻塹七艷翻屬之

欲翻喬山當
在平陽城西

周主命齊王憲馳往觀之憲復命曰易與

耳

易以
鼓翻

請破之而後食

左傳齊晉戰于鞏齊侯曰
余姑翦滅此而後朝食

周主

悅曰如汝言吾無憂矣周主乘常御馬從數人巡陳所

至輒呼主帥姓名慰勉之

帥所
類翻

將士喜於見知咸思自

奮將戰有司請換馬周主曰朕獨乘良馬欲何之周主

欲薄齊師礙塹而止自旦至中相持不決齊主謂高阿

那肱曰戰是邪不戰是邪

邪音
耶

阿那肱曰吾兵雖多堪

戰不過十萬病傷及繞城樵爨者復三分居一

復扶又翻

昔

攻玉壁援軍來即退

攻玉壁事見一百五十九卷梁武帝中大同元年

今日將

士豈勝神武時邪

高歡謚神武皇帝

不如勿戰却守高梁橋

地形

志晉州平陽縣有高梁城水經注汾水逕高梁故城西故高梁之墟也晉文公害懷公於此汾水又南過平陽

縣東新唐志晉州臨汾縣東北十里有高梁堰

安吐根曰一撮許賊馬上刺取

擲著汶水中耳

一撮言其少也撮倉括翻刺七亦翻著直畧翻不知兵勢而輕敵大言未有不

敗者也

齊主意未決諸內參曰彼亦天子我亦天子彼尚

能遠來我何為守塹示弱齊主曰此言是也於是填塹

南引周主大喜勒諸軍擊之兵纔合齊主與馮淑妃並

騎觀戰東偏少却淑妃怖曰軍敗矣

騎奇寄翻少詩沼翻怖晉故翻惶懼

也錄尚書事城陽王穆提婆曰大家去大家去齊主即

以淑妃奔高梁橋開府儀同三司奚長諫曰半進半退

戰之常體今兵衆全整未有虧傷陛下捨此安之馬足

一動人情駭亂不可復振願速還安慰之

復扶又翻還從宣翻又音

如字下同

武衛張常山自後至

武衛屬左右武衛將軍

亦曰軍尋收訖

甚完整圍城兵亦不動至尊宜回不信臣言乞將內參

往視

將領也與也偕也攜也挾也

齊主將從之穆提婆引齊主肘曰

此言難信齊主遂以淑妃北走齊師大潰死者萬餘人

軍資器械數百里間委棄山積

齊人所棄皆為稽胡所取後周人由此討稽胡

安德王延宗獨全軍而還

延宗在亂能整未易才也惜大厦將顛非一木所支耳

齊主至洪洞淑妃方以粉鏡自玩

施粉添粧臨鏡自玩也

後聲亂

唱賊至於是復走

復扶又翻

先是齊主以淑妃為有功勲將

立為左皇后遣內參詣晉陽取皇后服御褱翟等

五代志梁

制皇后謁廟服袿襦大衣蓋嫁服也早上早下親蠶則青上縹下齊制皇后助祭朝會以褱衣祠郊禘以綸狄

小宴以闕狄親蠶以鞠衣禮見皇帝以展衣宴居以綠
衣六服俱有蔽膝織成緹帶周制皇后翟衣六祠郊禘
朝享則翬衣素質五色祭陰社朝命婦則翟衣青質五
色祭羣小祀受獻璽則鷩衣赤色采桑則鷩衣黃色從
皇帝見賓客聽女教則鷩衣白色食命婦歸寧則翟衣
玄色隋制皇后褱衣深青織成為之為翬翟之形素質
五色十二等先悉薦翻褱許韋翻褱翟小翻褱音遞展與
上服曰褱具下垂者褱未欲翻縹匹小翻褱音遞展與
禮同陟戰翻沈將輦翻縹古本翻褱與褱同音驚必
列翻赤雉也鷩補抱翻鷩勅角翻雉名翬直質翻至

是遇於中塗齊主為按轡

為于偽翻

命淑妃著之然後去

史言

齊師之敗皆由馮小憐以婦人從軍國之禍也齊主既敗而寵其所嬖以速亡著職畧翻

辛亥周主

入平陽梁士彥見周主持周主須而泣曰臣幾不見陛

下周主亦為之流涕

史叙後周君臣相與之情須與鬚同幾居依翻為于偽翻上主為下

善為

周主以將士疲弊欲引還

將息亮翻還從宣翻又音如字

士彥叩

馬諫曰今齊師遁散眾心皆動因其懼而攻之其勢必

舉周主從之執其手曰余得晉州為平齊之基若不固

守則大事不成朕無前憂唯慮後變汝善為我守之

用兵

而能慮後患者善師者也

遂帥諸將追齊師

帥讀曰率

諸將固請西還周

主曰縱敵患生卿等若疑朕將獨往諸將乃不敢言癸

丑至汾水關齊主入晉陽憂懼不知所之甲寅齊大赦

齊主問計於朝臣皆曰宜省賦息役以慰民心收遺兵

背城死戰以安社稷

朝直遙翻
背蒲妹翻

齊主欲留安德王延宗

廣寧王孝珩守晉陽

珩音行

自向北朔州

魏孝昌中改懷朔鎮為朔州本

漢五原郡地尋即陷沒而朔州寄治并州界後齊置朔州於古馬邑城於西河郡置南朔州故謂馬邑為北朔州新唐志曰朔州本治善陽建中中馬遂徙治馬邑大元以朔州置順義節度領鄆陽窟谷二縣而以馬邑縣

州置固

若晉陽不守則奔突厥

厥九勿翻

羣臣皆以為不可帝

不從開府儀同三司賀拔伏恩等宿衛近臣三十餘人

西奔周軍周主封賞各有差高阿那肱所部兵尚一萬

守高壁

高壁嶺名在雀鼠谷南括地志汾州靈石縣有高壁嶺杜佑曰在縣東南宋白曰靈石縣東南

有高壁嶺雀鼠谷汾水關皆汾西險固之所

餘衆保洛女砦

砦與寨同柴

周

主引軍向高壁阿那肱望風退走齊王憲攻洛女砦拔

之有軍士告阿那肱招引西軍齊主令侍中斛律孝卿

檢校孝卿以為妄還至晉陽阿那肱腹心復告阿那肱

謀反

復扶又翻

又以為妄斬之乙卯齊主詔安德王延宗廣

寧王孝珩募兵延宗入見

珩音行見賢遍翻

齊主告以欲向北

朔州

後魏太和中置朔州於定襄故城高齊天保於馬邑西南置朔州相去三百八十里故定襄古城之

朔州有北朔州之稱

延宗泣諫不從密遣左右先送皇太后太子

於北朔州丙辰周主與齊王憲會於介休

介休縣屬西河郡

齊

開府儀同三司韓建業舉城降以為上柱國封郇公

降戶

江翻郇音荀郇古國名

是夜齊主欲遁去諸將不從

將即亮翻

丁巳周

師至晉陽齊主復大赦

復扶又翻

改元隆化以安德王延宗

為相國并州刺史總山西兵

并卑經翻鄴都謂并州之地為山西

謂曰并

州兄自取之兒今去矣延宗曰陛下為社稷勿動臣為

陛下出死力戰必能破之

為于偽翻

穆提婆曰至尊計已成

王不得輒沮

沮在呂翻

齊主乃夜斬五龍門而出欲奔突厥

從官多散

厥九勿翻從才用翻下同

領軍梅勝郎叩馬諫乃回向鄴

時唯高阿那肱等十餘騎從

騎寄翻

廣寧王孝珩襄城王

彥道繼至得數十人與俱穆提婆西奔周軍陸令萱自

殺家屬皆誅沒周主以提婆為柱國宜州刺史

五代志京兆郡

華原縣後魏置北雍州西魏改為宜州

下詔諭齊羣臣曰若妙盡人謀深

達天命官榮爵賞各有加隆或我之將卒逃逸彼朝

將即

亮翻朝直遇翻

無問貴賤皆從蕩滌自是齊臣降者相繼

降戶江翻

初齊高祖為魏丞相

齊尊高歡廟號曰高祖相息亮翻

以唐邕典外兵

曹太原白建典騎兵曹

騎奇寄翻

皆以善書計工簿帳受委

任及齊受禪諸司咸歸尚書唯二曹不廢更名二省

工更

衡翻

邕官至錄尚書事建官至中書令常典二省世稱唐

白邕兼領度支與高阿那肱有隙阿那肱譖之齊主敕

侍中斛律孝卿總知騎兵度支

度徒洛翻

孝卿事多專決不復

詢稟

復扶又翻

邕自以宿習舊事為孝卿所輕意甚鬱鬱

鬱鬱

者受抑而氣不得舒也

及齊主還鄴邕遂留晉陽并州將帥請於

安德王延宗曰王不為天子諸人實不能為王出死力

將即亮翻帥所類翻為于偽翻

延宗不得已戊午即皇帝位下詔曰武

平孱弱

曰武平者稱齊主年號孱士顏翻又士眼翻

政由宮豎斬關夜遁莫

知所之王公卿士猥見推逼

猥運也

今祇承寶位大赦改

元德昌以晉昌王唐邕為宰相齊昌王莫多婁敬顯沐

陽右衛大將軍段暢開府儀同三司韓骨胡等為將帥

敬顯貸文之子也

此皆齊所封郡王也五代志西城郡石泉縣舊置晉昌郡蘄春郡蘄春縣

後齊置齊昌郡東海郡沐陽縣東魏置沐陽郡莫多婁貸文戰死事見一百五十八卷梁武帝大同四年沐音

術

衆聞之不召而至者前後相屬延宗發府藏及後宮

美女以賜將士

屬之欲翻藏徂浪翻將即亮翻

籍沒內參十餘家齊主

聞之謂近臣曰我寧使周得并州不欲安德得之左右

曰理然延宗見士卒皆親執手稱名流涕嗚咽衆爭為

死

偽為子翻

童兒女子亦乘屋攘袂投甄石以禦敵

乘登也

已

未周主至晉陽

考異曰周書武帝紀丁巳大軍次并州又云己未軍次并州蓋丁巳前軍至

已未帝庚申齊主入鄴周師圍晉陽四合如黑雲

周戎衣及

旗幟皆黑且兵多故如黑雲

安德王延宗命莫多婁敬顯韓骨胡拒

城南和阿千子段暢拒城東自帥衆拒齊王憲於城北

帥讀曰率

延宗素肥前如偃後如伏人常笑之至是奮大稍

往來督戰

稍所翻

勁捷若飛所向無前和阿千子段暢以

千騎奔周軍

騎奇寄翻

周主攻東門際昏遂入之進焚佛寺

延宗敬顯自門入夾擊之周師大亂爭門相填壓塞路

不得進齊人從後斫死者二千餘人

塞悉則翻刺七亦翻

周主

左右略盡自拔無路承御上士張壽牽馬首

承御上士蓋侍衛左

右之

賀拔伏恩以鞭拂其後

考異曰北齊書安德王延宗傳作佛恩今從周齊

帝紀崎嶇得出

崎丘奇翻
嶇音區

齊人奮擊幾中之

幾居依翻又
巨希翻近也

中竹仲翻城東道阨曲

阨與阨同
烏懈翻

伏恩及降者皮子信導之

僅得免

降戶江翻

時已四更

夜分五更四更丁
夜也更工衛翻

延宗謂周主

為亂兵所殺使於積尸中求長鬣者不得

鬣良涉
翻鬣也

時齊

人既捷入坊飲酒盡醉卧延宗不復能整

復扶
又翻

周主出

城饑甚欲遁去諸將亦多勸之還

將即亮翻還從
宣翻又音如字

宇文

忻勃然進曰陛下自克晉州乘勝至此今偽主奔波關

東響震自古行兵未有若斯之盛昨日破城將士輕敵

微有不利何足為懷丈夫當死中求生敗中取勝今破

竹之勢已成柰何棄之而去齊王憲柱國王誼亦以為

去必不免段暢等又盛言城內空虛周主乃駐馬鳴角

收兵俄頃復振

散兵復聚則摧沮之勢振迅而起復扶又翻又音如字

辛酉旦還

攻東門克之

還復也

延宗戰力屈走至城北周人擒之周

主下馬執其手延宗辭曰死人手何敢迫至尊周主曰

兩國天子非有怨惡直為百姓來耳

言為救民而來為于偽翻

終不

相害勿怖也

怖蒲故翻

使復衣帽而禮之

五代志帽自天子下及士人通冠之

蓋常服也然亦有白紗烏紗之異又有繒皂雜紗為之者

唐邕等皆降於周

降戶獨

莫多婁敬顯奔鄴齊主以為司徒延宗初稱尊號遣使

脩啟於瀛州刺史任城王湝

後魏置瀛州於河間使疏吏翻下同任音壬湝戶皆

翻又音皆

曰至尊出奔宗廟事重群公勸迫權主號令事寧

終歸叔父湝曰我人臣何容受此啟執使者送鄴壬戌

周主大赦削除齊制收禮文武之士鄴伊婁謙聘於齊

周遣伊婁謙聘齊事見去年二月此上不應有鄴字蓋初字之誤也

其參軍高遵以情輸

於齊

言周將伐齊使謙來觀豐

齊人拘之於晉陽周主既克晉陽召

謙勞之

勞力到翻
下親勞同

執遵付謙任其報復謙頓首請赦之

周主曰卿可聚眾唾面使其知愧謙曰以遵之罪又非

唾面可責

唾湯
卧翻

帝善其言而止謙待遵如初

臣光曰賞有功誅有罪此人君之任也高遵奉使異

國漏泄大謀斯叛臣也

使疏
吏翻

周高祖不自行戮乃以

賜謙使之復怨失政刑矣孔子謂以德報怨者何以

報德為謙者宜辭而不受歸諸有司以正典刑乃請

而赦之以成其私名美則美矣亦非公義也

齊主命立重賞以募戰士而竟不出物廣寧王孝珩請

使任城王湝將幽州道兵入土門

按新唐志井徑故關一名土門關珩音行

任音壬湝音皆又古皆翻將即亮翻下同

揚聲趣并州

趣七喻翻下同

獨孤永業將洛

州道兵入潼關揚聲趣長安

後魏自平城遷都洛陽置司州孝武西入關東魏北

都鄴以鄴為司州以洛陽為洛州

臣請將京畿兵出滏口鼓行逆戰

滏口

滏水之口山海經滏水出神苗之山圖經泉源漢涌若湯焉滏音釜

敵聞南北有兵自然

逃潰又請出宮人珍寶賞將士齊主不悅斛律孝卿請

齊主親勞將士為之撰辭

將即亮翻勞力到翻為于偽翻撰士免翻

且曰宜

忼慨流涕以感激人心齊主既出臨衆將令之不復記

所受言

令讀如軍令之令復扶又翻

遂大笑左右亦笑將士怒曰身

尚如此吾輩何急皆無戰心於是自大丞相以下太宰

三師大司馬大將軍三公等官

後齊制官多循後魏大丞相太宰位望最為崇

重太師太傅太保是為三師擬古上公非勲德不居次有大司馬大將軍是為二大並典司武事次置太尉司徒司空是為三公三師二大三公府三門當中開黃閣設內屏其階皆正一品並增員而授或

三或四不可勝數

勝音升數所矩翻計也舊所具翻

朔州行臺僕射高

勣將兵侍衛太后太子自土門道還鄴

勣音邁

時宦官儀

同三司荀子溢猶恃寵縱暴民間雞彘縱鷹犬搏噬取之勦執以徇將斬之太后救之得免或謂勦曰子溢之徒言成禍福獨不慮後患邪勦攘袂曰今西寇已據并

州

周在齊之西故謂之西寇

達官率皆委叛

有位任而光顯於時者為達官委棄也委叛者

言棄官而叛去

正坐此輩濁亂朝廷

朝廷直達翻

若得今日斬之明日

受誅亦無所恨勦岳之子也

高岳從高歡起兵有功

甲子齊太后

至鄴丙寅周主出齊宮中珍寶服玩及宮女二千人班

賜將士加立功者官爵各有差

將即亮翻

周主問高延宗以

取鄴之策辭曰此非亡國之臣所及強問之

強其兩翻

乃曰

若任城王據鄴臣不能知

任音壬

若今主自守陛下兵不

血刃癸酉周師趣鄴

趣七喻翻

命齊王憲先驅以上柱國陳

王純為并州總管齊主引諸貴臣入朱雀門

朱雀門鄴宮城正南

門也賜酒食問以禦周之策人人異議齊主不知所從是

時人情恐懼莫有鬪心朝士出降晝夜相屬

怛許勇翻朝直遙翻

屬之欲翻

高勸曰今之叛者多是貴人至於卒伍猶未離心

請追五品已上家屬置之三臺

勸音邁考之齊制五品已上謂自尚書郎中書

侍郎諫議大夫九寺少卿給事黃門侍郎通直散騎常侍尚書左右丞三公府長史諮議參軍太子三卿直閣將軍東宮正都督已上也三臺魏武帝所建齊文宣帝又增崇之時改為寺因脅之以戰若不捷則焚臺此曹顧惜妻子必當死戰且王師頻北賊

徒輕我今背城一決

背蒲妹翻

理必破之齊主不能用望氣

者言當有草易齊主引尚書令高元海等議依天統故

事禪位皇太子

天統禪位事見一百六十九卷世祖天嘉六年

資治通鑑卷一百七十二

欽定四庫全書

史部

資治通鑑卷一百七十三

詳校官修撰_臣錢 蔡

洗馬_臣王坦修覆勘

總校官知縣_臣楊懋珩

校對官中書_臣葉 蘭

謄錄監生_臣曹方昇

欽定四庫全書

資治通鑑卷一百七十三

宋司馬光撰

胡三省音註

陳紀七

起疆圉作盡盡屠維大淵獻凡三年

高宗宣皇帝中之下

大建九年春正月乙亥朔齊太子恒即皇帝位

恒戶生登翻

八年矣改元承光大赦尊齊主為太上皇帝皇太后為太皇太后皇后為太上皇后以廣寧王孝珩為太宰

珩音

行司徒莫多婁敬顯領軍大將軍尉相願尉紆勿翻謀伏兵

千秋門

千秋門鄴宮西門

斬高阿那肱立廣寧王孝珩會阿那

肱自它路入朝不果

朝直遥翻

孝珩求拒周師謂阿那肱等

曰朝廷不賜遣擊賊豈不畏孝珩反邪孝珩若破宇文

邕

周主諱邕

遂至長安反亦何預國家事以今日之急猶如

此猜忌邪

邪音耶

高韓恐其為變出孝珩為滄州刺史

高韓

謂高阿那肱韓長鸞地形志熙平二年分瀛冀二州置滄州治餘安縣城

相願拔佩刀斫柱

歎曰大事去矣知復何言

復扶又翻

齊主使長樂王尉世辯

長樂郡王五代志信都郡長樂縣
舊置長樂郡樂音洛尉紆勿翻

帥千餘騎覘周師出

溢口

帥讀曰率騎奇寄翻覘丑
廉翻又丑艷翻溢音釜

登高阜西望遙見羣鳥

飛起謂是西軍旗幟即馳還比至紫陌橋不敢回顧世

辯粲之子也

西軍旗幟皆黑齊人時恒懼望見鳥飛以
為周師已至馳歸不敢回顧懼其及也紫

陌橋在鄴城外尉粲與高歡同起於北鎮爾雅曰
大陸曰阜廣雅山無石曰阜幟昌志翻比必寐翻於是

黃門侍郎顏之推中書侍郎薛道衡侍中陳德信等勸

上皇往河外募兵

齊制門下省侍中給事黃門侍郎各
六人中書省侍郎四人河外謂大河

之外王者內京師而外諸夏齊
都鄴在河北故謂河南為河外

更為經略若不濟南投

陳國從之道衡孝通之子也

薛孝通始從賀拔岳後因入朝遂留仕於鄴

丁

丑太皇太后太上皇后自鄴先趣濟州

濟州治碭磈城趣七喻翻濟子

禮翻

癸未幼主亦自鄴東行己丑周師至紫陌橋辛卯

上祭北郊壬辰周師至鄴城下癸巳圍之燒城西門

齊人出戰周師奮擊大破之齊上皇從百騎東走

騎寄奇翻

使武衛大將軍慕容三藏守鄴宮

後齊循魏制武衛將軍副貳左右衛將軍

掌左右廂所主朱華閣以外階從三品加大者進等藏徂浪翻

周師入鄴齊王公以下

皆降

降戶江翻

三藏猶拒戰周主引見禮之

見賢遍翻

拜儀同大

將軍三藏紹宗之子也

慕容紹宗始從爾朱氏後事高歡父子

領軍大將

軍漁陽鮮于世榮齊高祖舊將也

將即亮翻

周主先以馬腦

酒鍾遺之

馬腦石似玉寶石也今作碼碯先息薦翻遺唯季翻

世榮得即碎之周

師入鄴世榮在三臺前鳴鼓不輟周人執之世榮不屈

乃殺之周主執莫多婁敬顯數之曰汝有死罪三前自

晉陽走鄴攜妻棄母不孝也

自晉陽走鄴見上卷上年數所拒翻舊所貝翻走音

奏外為偽朝戮力內實通啟於朕不忠也

為于偽翻朝直遥翻

送

款之後猶持兩端不信也用心如此不死何待遂斬之

使將軍尉遲勤追齊主

考異曰北齊書勤作剛今從周書尉紆勿翻

甲午周

主入鄴齊國子博士長樂熊安生博通五經

晉武帝咸寧四年初

立國子學置國子祭酒博士各一人後齊置博士五人黃帝有熊氏一曰出於楚鬻熊之後以名為氏樂音洛

聞周主入鄴遽令掃門家人怪而問之安生曰周帝重

道尊儒必將見我俄而周主幸其家不聽拜親執其手

引與同坐賞賜甚厚給安車駟馬以自隨又遣小司馬

唐道和

後周之制六官七命自小冢宰至小司徒小宗伯小司馬小司空皆上大夫七命

就

中書侍郎李德林宅宣旨慰諭曰平齊之利唯在於爾

引入宮

宮即鄴宮時周主居之

使內史宇文昂訪問齊朝風俗政

教人物善惡

朝直遙翻

即留內省三宿乃歸

內省即齊之門下省

乙未

齊上皇渡河入濟州

濟子禮翻

是日幼主禪位於大丞相任

城王湝

任音壬湝戶皆翻又音皆

又為湝詔尊上皇為無上皇幼主為

宋國天王

齊氏於傾危之際不應改國號為宋宋國當作宗國

令侍中斛律孝卿

送禪文及璽紱於瀛州

齊制天子六璽受命璽在六璽之外紱印組也古者數如蔽膝

又裳繡為兩已相背形謂之黻此紱直以繫璽而已璽斯氏翻紱音弗

孝卿即詣鄴

以璽紱歸

周主詔去年大赦所未及之處皆從赦例

去年周克晉陽大赦

山東河南河北之地尚為齊守今既克鄴凡齊之境内赦所未及之地令皆從去年赦例齊洛州刺史

史獨孤永業有甲士三萬聞晉州陷請出兵擊周奏寢

不報永業憤慨又聞并州陷乃遣子須達請降於周

降戶

江翻周以永業為上柱國封應公

此去年事也因齊亡叙之於此應國公用

古邦晉應韓之應以封之

丙申周以越王盛為相州總管

後魏置相州於鄴東

魏都鄴改為司州以其京畿之地倣漢晉之制而置司州也周既平齊復為相州列于諸州相息亮翻

齊

上皇留胡太后於濟州使高阿那肱守濟州關

濟州城北有碣

碣津故關 硯侯周師

硯丑廉翻又丑艷翻

自與穆后馮淑妃幼主韓長

鸞鄧長顓等數十人奔青州

顓魚容翻

使內參田鵬鸞西出

參伺動靜

參候也伺相吏翻

周師獲之問齊主何在紿云已去

紿徒亥翻
誑言也

計當出境

謂出齊境也

周人疑其不信捶之每折

一支辭色愈厲竟折四支而死

捶止樂翻
折而設翻

上皇至青州

即欲入陳而高阿那肱密召周師約生致齊主屢啟云

周師尚遠已令燒斷橋路上皇由是淹留自寬周師至

關阿那肱即降之周師奄至青州上皇囊金繫於鞍與

后妃幼主等十餘騎南走

騎奇寄翻

已亥至南鄧村尉遲勤

追及盡擒之并胡太后送鄴

先已擒胡太后於濟州今并齊主送鄴齊天保元年

更禪歲在庚午四主二十八年而亡

庚子周主詔故斛律光崔季舒等宜

追加贈謚并為改葬

斛律光死見一百七十一卷太建四年崔季舒等死見五年謚神至

翻為子偽翻

子孫各隨蔭叙錄

自漢以來將相公卿皆得保任子弟若孫為官所謂門蔭

也者

家口田宅沒官者並還之周主指斛律光名曰此人

在朕安得至鄴辛丑詔齊之東山南園三臺並可毀撤

瓦木諸物可用者悉以賜民山園之田各還其主

東山南園

三臺皆高氏遊宴之地撤直列翻

二月壬午上耕籍田

籍而亦翻

丙午

周主宴從官將士於齊太極殿頒賞有差

從才用翻將即亮翻下同

丁未高緯至鄴

已為俘囚不復書齊主緯于貴翻

周主降階以賓禮見

之齊廣寧王孝珩至滄州以五千人會任城王湝於信

都

冀州治信都湝自河間進兵至信都珩音行任音士湝古皆翻

共謀匡復召募得四

萬餘人周主使齊王憲柱國楊堅擊之令高緯為手書

招湝湝不從憲軍至趙州

魏孝昌二年分定相二州置殷州治廣阿後改為趙州

湝遣二謀覘之

謀徒協翻覘丑廉翻又丑艷翻

候騎執以白憲憲集齊

舊將遍示之

齊舊將從憲軍者集以示謀以攜湝軍之心騎奇寄翻

謂曰吾所爭

者大不在汝曹今縱汝還仍充吾使

使疏吏翻

乃與潛書曰

足下謀者為侯騎所拘軍中情實具諸執事

謂謀者當能具言之

戰非上計無待卜疑守乃下策或未相許已勒諸軍分

道並進相望非遠憑軾有期

左傳城濮之役楚子玉遣使請戰於晉侯曰請與君

之士戲君憑軾而望之故引以為言

不俟終日所望知

機也

易大傳曰君子見幾而作不俟終日引以諭潛使速降

憲至信都潛陳於城

南以拒之潛所署領軍尉相願詐出略陳遂以衆降

鄴城

之破相願蓋奔瀛州潛因署為領軍尉紆勿翻陳讀曰陣降戶江翻

相願潛心腹也衆皆

駭懼潜殺相願妻子明日復戰

復扶又翻

憲擊破之俘斬三

萬人執潜及廣寧王孝珩憲謂潜曰任城王何苦至此

潜曰下官神武皇帝之子兄弟十五人幸而獨存逢宗

社顛覆無愧墳陵

聚土曰墳陵大阜也墳陵猶言山陵

憲壯之命歸其妻

子又親為孝珩洗瘡傳藥禮遇甚厚

為于偽翻

孝珩歎曰自

神武皇帝以吾諸父兄弟無一人至四十者命也

文襄死於

盜手年二十九顯祖年三十一濟南王年十七孝昭年二十七武成年三十二其餘多不得良死

嗣君

無獨見之明宰相非柱石之寄

嗣祥史翻

恨不得握兵符受

斧鉞展我心力耳

史言潛孝珩志節可憐五代志後齊命將出征則授鼓旗於朝皇帝陳法

駕服充冕至廟拜於太祖徧告訖降就中階引上將操鉞授柯曰從此上至天將軍制之又操斧授柯曰從此下至衆將軍制之將軍既受斧鉞對曰國不可從外理軍不可從中制臣既受命有鼓旗斧鉞之威願無一言之命於臣帝曰苟利社稷將軍裁之將軍就車載斧鉞而出皇帝推轂度閭曰從此以外將軍制之齊王

憲善用兵多謀略得將士心齊人憚其威聲多望風沮

芻牧不擾軍無私焉

將即亮翻沮在呂翻

周主以齊降將封輔相

為北朔州總管北朔州齊之重鎮

降戶江翻北朔州控禦突厥齊以為重鎮

士卒驍勇

驍堅堯翻

前長史趙穆等謀執輔相迎任城王潛

於瀛州不果

前長史齊官長知
西翻相息亮翻

乃迎定州刺史范陽王

紹義紹義至馬邑自肆州以北二百八十餘城皆應之

五代志博陵郡舊置定州魏置肆州治九原六鎮
叛亂寄治樓煩郡之秀容縣其北即齊北朔州界紹義

與靈州刺史袁洪猛引兵南出欲取并州至新興而肆

州已為周守

地形志魏太延二年置薄骨律鎮孝昌二
年置靈州東西分治其地屬西魏天平中

東魏復置靈州寄治汾州隰城縣界五代志鴈門郡繁
峙縣東魏置武州寄治城中後齊改為北靈州新興漢

魏古郡名以五代志考之與肆州皆在樓煩郡
秀容縣宋白曰唐之嵐州古新興郡為于偽翻前隊二

儀同以所部降周

二儀同前隊之將二人
官皆儀同降戶江翻

周兵擊顯州

地形志魏永安中置顯州治汾州大壁城五代志鴈門郡淳縣東魏置廓州後齊改北顯州周兵所擊即此

執刺史陸瓊復攻拔諸城

復扶又翻

紹義還保北朔州周東

平公神舉將兵逼馬邑

神舉即宇文神舉

紹義戰敗北奔突厥

猶有衆三千人紹義令曰欲還者從其意於是辭去者

大半突厥佗鉢可汗常謂齊顯祖為英雄天子以紹義

重踝似之

厥九勿翻佗徒何翻可苦局翻汗音寒重直龍翻踝戶瓦翻腿兩旁曰内外踝

甚見

愛重凡齊人在北者悉以隸之於是齊之行臺州鎮唯

東雍州行臺傳伏營州刺史高寶寧不下

傳伏以永橋之功遷東雍

州行臺五代志絳郡後魏置東雍州
遼西郡置營州治和龍城雍於用翻
其餘皆入於周凡

得州五十郡一百六十二縣三百八十戶三百三萬二

千五百

梁太宗大寶元年齊顯祖受魏禪五主二十七
年而亡齊所有司冀趙義懷黎建東雍汾西汾

晉南朔并肆靈顯恒朔定瀛幽東燕北燕營南營安青
濟光膠徐仁睢兗北徐南青海東楚潼東徐洛鄭陽宋
梁南兗西兗北荆襄豫東廣秦西楚揚南潁北建羅合
江和共六十州而東廣已下十州時已為陳故止言五
十州 考異曰隋書地理志云州九十七
郡一百六十縣一百六十五今從周書

高寶寧者齊

之疎屬有勇略久鎮和龍甚得夷夏之心

夏戶雅翻

周主於

河陽幽青南兗豫徐北朔定置摠管府相并二州各置

宮及六府官

河陽縣屬懷州河內郡地臨河津實重鎮也幽州治薊青州治益都南兗治譙豫治

汝南徐治彭城北朔治馬邑定治中山或都會之地或守禦之要也故皆置總管府總管猶魏晉之都督也相并二州皆有齊舊宮及省故仍置宮若別都然置六府官以代省也六府官益倣長安六官之府未必備官也

周師之克晉陽也

克晉陽見上卷上年

齊使開府儀同三司紇奚

永安求救於突厥比至齊已亡佗鉢可汗處永安於吐

谷渾使者之下

紇奚虜複姓魏收官氏志北方諸姓有紇奚氏比必寐翻及也處昌呂翻吐如

字或上鵲翻谷音浴使疏吏翻

永安言於佗鉢曰今齊國已亡永安何

用餘生欲閉氣自絕恐天下謂大齊無死節之臣乞賜

一刀以顯示遠近佗鉢嘉之贈馬七十匹而歸之梁主

入朝於鄴

梁臣於周以周平齊故入朝朝直遙翻下同

自秦兼天下無朝覲

之禮至是始命有司草具其事致積致餼設九賓九介受享於廟三公三孤六卿致食勞賓還贄致享皆如古

禮

積子賜翻餼許既翻勞力到翻鄭玄曰每積有牢醴米禾芻薪又曰大禮饗餼也左傳居則具一日之積

杜預曰芻米菜薪詩傳曰牲腥曰餼或曰饋客生食及芻米曰餼賓主副也漢主以行禮者也介賓副也輔賓以行禮者也五代志曰梁王之朝周入畿大冢宰命有司致積其餼五牢米九十筥醢醢各三十五甕酒十八壺米禾各五十車薪芻各百車既至大司空設九賓以致館梁王束帛乘馬設九介以待之禮成而出明日王

朝受享於廟既致享大冢宰又命公一人玄冕乘車陳九賓以束帛乘馬致食於賓及賓之從各有差致食訖又命公一人弁服乘車執贄設九賓以勞賓王設九介迎於門外明日朝服乘車還贄于公公皮弁迎於大門授贄受贄並於堂之中楹又明日王朝服設九介乘車以見於公事畢公致享明日三孤一人又執贄勞于梁王明日王還贄又明日王見三孤如三公明日卿一人又執贄勞王王見卿又如三孤於是三公三孤六卿又各餼賓並屬官之長為使牢米束帛同三公餼必及翻勞力到翻

周主與梁主宴酒酣

酣戶甘翻

周主自彈琵琶梁主起舞曰陛下既親撫五絃臣

何敢不同百獸周主大悅賜賚甚厚

舜彈五絃之琴夔曰於予擊石拊石

百獸率舞梁主以舜况

乙卯周主自鄴西還三月壬午

周詔山東諸軍各舉明經幹治者二人若奇才異術卓

爾不羣者不拘此數

時周分置諸州總管以撫鎮山東治軍政故曰諸軍

周主之

擒尉相貴也

擒尉相貴見上卷上年

招齊東雍州刺史傅伏伏不

從齊人以伏為行臺右僕射周主既克并州

克并州亦見上卷上

年

復遣韋孝寬招之

韋孝寬鎮勲州與東雍州接壤故使招之復扶又翻

令其子

以上大將軍武鄉公告身

以古武鄉郡封為公也石勒置武鄉郡凡授官爵皆給以

符謂之告身五代志馮翊郡華陰縣西魏改武鄉置武鄉郡周當以此封傳伏

及金馬腦二酒

鍾賜伏為信伏不受謂孝寬曰事君有死無貳此兒為

臣不能竭忠為子不能盡孝人所讎疾願速斬之以令

天下周主自鄴還至晉州遣高阿那肱等百餘人臨汾

水召伏伏出軍隔水見之

汾水逕晉絳二州之間東雍州在絳州界故隔水

問

至尊今何在阿那肱曰已被擒矣

被皮義翻

伏仰天大哭帥

衆入城於聽事前北面哀號良久然後降

帥讀曰率聽與聽同毛晃

曰聽事治官處漢晉皆作聽事六朝以來乃始加广音他經翻號戶刀翻降戶江翻

周主見之曰

何不早下伏流涕對曰臣三世為齊臣食齊祿不能自

死羞見天地周主執其手曰為臣當如此乃以所食羊

肋骨賜伏

肋盧則翻脅肋

曰骨親肉疎所以相付遂引使宿衛

授上儀同大將軍敕之曰若亟與公高官

亟紀力翻

恐歸附

者心動努力事朕勿憂富貴他日又問前救河陰得何

賞

救河陰事見上卷七年

對曰蒙一轉授特進永昌郡公

勲級曰轉轉張

繼翻

周主謂高緯曰朕三年教戰決取河陰正為傳伏善

守

為于偽翻

城不可動遂歛軍而退公當時賞功何其薄也

夏四月乙巳周主至長安置高緯於前列其王公於後

車輿旗幟器物以次陳之備大駕

秦大駕屬車八十一乘漢遵用之備千乘

萬騎晉之盛也大駕鹵簿見於志為尤詳開皇中大駕
十二乘法駕半之其後大駕用三十六法駕用十二周
氏雖設大官置司輅之職以掌公車之政以隋制
參之大駕鹵簿必不能如漢晉之盛懋昌志翻

布六

軍奏凱樂

周官王師大獻則令奏凱樂注云大獻獻捷於祖凱樂獻功之樂

獻俘於太

廟觀者皆稱萬歲戊申封高緯為溫公齊之諸王三十

餘人皆受封爵周主與齊君臣飲酒令溫公起舞高延

宗悲不自持屢欲仰藥其傅婢禁止之周主以李德林

為內史上士

後周之制內史屬春官中大夫五命下大夫四命上士三命

自是詔詰

格式及用山東人物並以委之帝從容謂羣臣曰我常

日唯聞李德林名復見其為齊朝作詔書移檄

從七容
翻復扶

又翻為于偽
翻朝直遙翻

正謂是天上人豈言今日得其驅使神武

公紇豆陵毅對曰

神武郡公後魏置神武郡於神武川
隋為神武縣屬馬邑郡紇豆陵毅本

姓竇唐宰相世系表曰竇本竇融之後以竇武之難亡
入鮮卑拓拔部使居南境號沒鹿回部世為部落大人
及勒後魏穆帝命為紇豆陵氏至曹孫巖從孝文帝徙
洛陽遂為河南洛陽人復為竇氏宇文復代北舊姓又
復為紇
豆陵氏

臣聞麒麟鳳凰為王者瑞可以德感不可力致

麒麟鳳凰得之無用豈如德林為瑞且有用哉帝大笑

曰誠如公言 己巳周主享太廟 五月丁丑周以譙

王儉為大冢宰庚辰以杞公亮為大司徒鄭公達奚震為大宗伯梁公侯莫陳芮為大司馬應公獨孤永業為

大司寇鄭公韋孝寬為大司空己丑周主祭方丘

周制方丘

在國陰六里之郊以其先炎帝神農氏配

詔以路寢會義崇信含仁雲和思

齊諸殿皆晉公護專政時所為事窮壯麗有踰清廟

清廟

者倣周祀文王之廟而為之也毛傳曰清廟者祭有清明之德者之宮也

悉可毀撤彫斲之

物並賜貧民繕造之宜務從卑朴又詔并鄴諸堂殿壯

麗者準此

并鄴諸堂殿齊氏所營也

臣光曰周高祖可謂善處勝矣

處昌呂翻

他人勝則益奢

高祖勝而愈儉

六月丁卯周主東巡秋七月丙戌幸洛州

洛州治洛陽

八月

壬寅議定權衡度量頒之於四方

量音亮

初魏虜西涼之

人

西涼謂河西自沮渠氏據河西稱涼王宋文帝元嘉十六年魏太武帝擊而虜之

沒為隸戶

齊氏因之仍供廝役

廝息移翻養也役也使也賤也蘓林曰廝取薪者也韋昭曰折薪曰

廝今或讀從說入聲

周主滅齊欲施寬惠詔曰罪不及嗣古有定

科

書大禹謨皋陶曰罰不及嗣孔傳云父子罪不相及

雜役之徒獨異常憲

憲法也

一從罪配百代不免罰既無窮刑何以措凡諸雜戶悉

放為民自是無復雜戶甲子鄭州獲九尾狐

此時鄭州蓋猶在長

社已死獻其骨周主曰瑞應之來必彰有德若五品時

叙四海和平乃能致此

此稽瑞應圖而言也孔氏書傳五品謂五常

今無其

時恐非實錄命焚之九月戊寅周制庶人已上唯聽衣

綢綿綢絲布圓綾紗絹綃葛布等九種

衣於既翻綢與綃同直由翻大

絲縉也綿綢紡綿為之今准人能織綿綢緊厚耐久服絲布以絲裨布縷織之今謂之兼絲布圓綾土綾也亦謂之花縉紗方目紗也絹吉掾翻縹也細絲縉綃相邀翻生絲縉葛越宜夏服布縹麻若紵為之種章勇翻

餘悉禁之朝祭之服不拘此制

朝直
遷翻

冬十月戊申周主

如鄴

上聞周人滅齊欲爭徐兗

此言禹迹徐兗二州
之地禹貢曰海岱及

淮惟徐州濟河惟兗州周之九州青州得沂泗淮三水
兗州得大野無復徐州矣今之徐州春秋宋地左傳圍

宋彭城是也秦屬泗水郡漢屬沛郡後分立

楚國後置徐州自是之後徐州專治彭城矣詔南兗州

刺史司空吳明徹督諸軍伐之以其世子戎昭將軍惠

覺攝行州事明徹軍至呂梁周徐州總管梁士彥帥衆

拒戰

帥讀
曰率

戊午明徹擊破之士彥嬰城自守明徹圍之

帝銳意以為河南指麾可定中書通事舍人蔡景歷諫

曰師老將驕不宜過窮遠略

魏黃初中中書置通事郎
晉初置舍人通事江左令

舍人通事謂之通事舍人掌呈奏案又掌詔命陳氏得
國之政事並由中書省有中書舍人五人分掌二十
一局事各當尚書諸曹並為上司總國
內機要尚書唯聽受而已將即亮翻帝怒以為沮衆

沮在
呂翻

出為豫章內史未行有飛章劾景歷在省贓汙狼

籍坐免官削爵土

飛者不知其所自來也蓋出於
上意劾戶槩翻又音戶得翻

周

改葬德皇帝於冀州

宇文肱者宇文泰之父也從鮮于
脩禮攻定州戰死於唐河武城初

追謚德皇帝其地在齊未得改
葬平齊之後乃得改葬于冀州

周主服縗

縗倉
回翻

哭於太

極殿百官素服

周人誣溫公高緯與宜州刺史穆提

婆謀反并其宗族皆賜死衆人多自陳無之高延宗獨

攘袂泣而不言以椒塞口而死

塞悉則翻

唯緯弟仁英以清

狂仁雅以瘖疾得免

漢張敞奏言昌邑王賀清狂不惠蘇林曰凡狂者陰陽脉盡濁今此

人不狂似狂故言清狂或曰色理清徐而心不慧故曰清狂清狂如今白癡也瘖於今翻瘖也

徙於蜀

其餘親屬不殺者散配西土

西土謂長安西邊州郡

皆死於邊裔

周主以高潛妻盧氏賜其將斛斯徽

潛戶皆翻又音皆將即亮翻下同

盧氏蓬首垢面長齋不言笑徵放之乃為尼

盧氏山東高門史言

其能守節長齋者依佛教茹蔬素不食葷肉尼女虜翻女僧

齊后妃貧者至以賣燭

為業 十一月壬申周立皇子衍為道王

道古國名春秋有江黃道

栢皇子當作皇孫衍周太子之長子此有可疑者後注屢及之通鑑一百七十一卷太建五年六月書周皇孫

衍 允為蔡王 癸酉周遣上大將軍王軌將兵救徐州

初周人敗齊師於晉州乘勝逐北齊人所棄甲仗未

暇收歛

事見上卷八年敗補邁翻

稽胡乘間竊出

間古覓翻

並盜而有之

仍立劉蠡升之孫沒鐸為主

劉蠡升為高歡所滅見一百五十七卷梁武帝大同

元 年號聖武皇帝改元石平周人既克關東

謂克齊也

將討稽

胡議欲窮其巢穴齊王憲曰步落稽種類既多

種章勇翻 又

山谷險絕王師一舉未可盡除且當翦其魁首餘加慰

撫周主從之以憲為行軍元帥督諸軍討之

行軍元帥始此帥所

類翻

至馬邑分道俱進沒鐸分遣其黨天柱守河東穆支

守河西據險以拒之

此河西離石之河東河西也

憲命譙王儉擊天

柱滕王道擊穆支

道以周翻

並破之斬首萬餘級趙王招擊

沒鐸禽之餘衆皆降

降戶江翻

周詔自永熙三年以來東

土之民掠為奴婢

後魏孝武帝永熙三年西入關自是宇文氏高氏交兵互相侵掠得其民

口各以

為奴婢及克江陵之日良人沒為奴婢者

梁世祖承聖三年江陵破

事見一百六十五卷並放為良又詔後宮唯置妃二人世婦三人

御妻三人此外皆減之周主性節儉常服布袍寢布被

後宮不過十餘人每行兵親在行陳

行陳上戶剛翻下讀曰陣

步涉

山谷人所不堪撫將士有恩而明察果斷斷丁亂翻用法嚴

峻由是將士畏威而樂為之死

將即亮翻樂音洛為于偽翻

巳亥

晦日有食之 周初行刑書要制羣盜賊一匹及正長

隱五丁若地頃以上皆死

隋因周制制人五家為保保有長保五為閭閭四為族皆

有正畿外置里正比閭正黨長比族正以相檢察所謂正長也百畝為頃長知兩翻

十二月戊申

新作東宮成太子徙居之 庚申周主如并州徙并州

軍民四萬戶於關中戊辰廢并州宮及六府

是年春周置并州宮

及六府

高寶寧自黃龍上表勸進於高紹義

黃龍卽和龍今之黃龍府

上時掌翻

紹義遂稱皇帝改元武平以寶寧為丞相突厥佗

鉢可汗舉兵助之

可從刊入聲汗音寒

十年春正月壬午周主幸鄴辛卯幸懷州

懷州治河內郡野王自此

以後周陳之君書如書幸雜出其間未悉義例所安

癸巳幸洛州置懷州宮

二

月甲辰周譙孝王儉卒

丁巳周主還長安

吳明徹

圍周彭城環列舟艦於城下攻之甚急

艦戶點翻

王軌引兵

輕行據淮口

淮口清水入淮之口即清口也

結長圍以鐵鎖貫車輪數

百沈之清水

沈持林翻酈道元曰清水即泗水之別名

以遏陳船歸路軍中

怊懼

怊許勇翻

譙州刺史蕭摩訶言於明徹曰聞王軌始鎖

下流其兩端築城今尚未立公若見遣擊之彼必不敢

相拒水路未斷賊勢不堅彼城若立則吾屬必為虜矣

明徹奮髯曰搴旗陷陳將軍事也長笑遠略老夫事也

摩訶失色而退

史言明徹驕而愎諫以致敗髯而一旬占翻搴起虔翻扳取也陳讀曰陣

之間水路遂斷周兵益至諸將議破堰拔軍以舫載馬而去馬主裴子烈曰若破堰下船船必傾倒不如先遣

馬出

考異曰南史作馬明主今從陳書馬主馬軍主也堰於建翻舫府晏翻並兩船也倒都皓翻時

明徹苦背疾甚篤蕭摩訶復請曰今求戰不得進退無

路若潛軍突圍未足為恥願公帥步卒乘馬輦徐行摩

訶領鐵騎數千驅馳前後必當使公安達京邑

京邑謂建康觀

摩訶此言亦知軍退後周師繼至必不能守淮南復扶又翻帥讀曰率舉攷字書皆無此字唯類篇有之音羊

茹切舁車也今言乘馬輦則當讀與輿字同從平聲騎奇寄翻下同

明徹曰弟之此策乃

良圖也然步軍既多吾為總督必須身居其後相帥兼

行

帥讀曰率下同

弟馬軍宜速在前不可遲緩摩訶因帥馬軍

夜發甲子明徹決堰乘水勢退軍冀以入淮至清口水

勢漸微舟艦並礙車輪不復得過王軌引兵圍而蹙之

衆潰明徹為周人所執將士三萬并器械輜重皆沒於

周

將即亮翻重直用翻

蕭摩訶以精騎八十居前突圍衆騎繼之

騎

奇翻

比旦達淮南

淮水南岸也比必寐翻

與將軍任忠周羅睺獨

全軍得還

任音壬還音旋又如字

初帝謀取彭汴以問五兵尚書

毛喜

彭汴謂彭城汴水之地五兵尚書以掌中兵外兵別兵都兵騎兵各官

對曰淮左新

平邊民未輯周氏始吞齊國難與爭鋒且棄舟楫之工

織與

踐車騎之地

徐充之地四平車騎便於馳突踐慈演翻騎奇寄翻

去長就短

非吳人所便臣愚以為不若安民保境寢兵結好好呼到翻斯

久長之術也及明徹敗帝謂喜曰卿言驗於今矣即日

召蔡景歷復以為征南諮議參軍

亦以其言驗也

周主封吳明

徹為懷德公

懷德郡公五代志巴東郡武寧縣後周置南都郡源陽縣尋改郡曰懷德縣曰武寧

位大將軍

其朝列於大將軍無職事也

明徹憂憤而卒

卒子

乙丑

周以越王盛為大冢宰

三月戊辰周於蒲州置宮

五代

志河東郡後魏曰秦州後周改蒲州因蒲坂以名州也

廢同州及長春二宮

同州治馮

翔字文泰輔魏多居同州其後受魏禪遂以同州置別宮長春宮在朝邑馮翔之屬縣也是宮蓋亦宇文所置

甲戌周主初服常冠以皂紗全幅向後襍髮仍裁為

四脚

今之幘頭始此制微有不同耳杜佑曰後漢末王公卿士以幅巾為雅用全幅皐而向後襍髮謂之

頭巾俗人因號為襍頭後周武帝因裁幅巾為四脚襍與幘同房玉翻皐才早翻

丙子命中

軍大將軍開府儀同三司淳于量為大都督

陳制中軍大將軍品

第二秩中二千石開府儀同三司品第一其秩則萬石矣

總水陸諸軍事鎮西將軍孫

瑒都督荊郢諸軍

瑒堆杏翻又音暢

平北將軍樊毅都督清口

上至荊山緣淮諸軍寧遠將軍任忠都督壽陽新蔡霍

州諸軍以備周

寧遠將軍梁置陳制擬官品第五此新蔡在弋陽郡界五代志梁置平高新蔡

新城三郡於殷城後齊置新蔡郡於周始二縣皆屬弋陽任音士

乙酉大赦 壬辰

周改元宣政 夏四月庚申突厥寇周幽州殺掠吏民

厥九勿翻

戊午樊毅遣軍渡淮北對清口築城壬戌清口

城不守

五月己丑周高祖帥諸軍伐突厥

周主以是役殂於軍

中故書其廟號帥讀曰率

遣柱國原公姬願

原古國名

東平公神舉等將

兵五道俱入

將即亮翻又音如字領也

癸巳帝不豫留止雲陽宮

五代

志京兆郡雲陽縣後周置雲陽郡蓋亦置別宮於此

丙申詔停諸軍驛召宗師宇

文孝伯赴行在所

後周置宗師之官蓋掌諸宗室杜佑曰宗師屬天官中大夫也五命小宗

師下大夫四命宇文孝伯時留長安故驛召之天子所至為行在所

帝執其手曰吾自量

必無濟理

量音良

以後事付君是夜授孝伯司衛上大夫

總宿衛兵

後周之制凡上大夫皆六命

又令馳驛入京鎮守以備非

常六月丁酉朔帝疾甚還長安是夕殂年三十六

還從宣翻

又音如字殂撫乎翻

戊戌太子即位尊皇后阿史那氏為皇太后

阿史那氏天和三年娶于突厥者也

宣帝初立即逞奢欲大行在殯曾無

戚容

在戚而有嘉容魯昭公所以不終也

捫其杖痕大罵曰死晚矣

捫以手撫

摸也杖痕為太子時受杖之痕

閱視高祖宮人逼為淫欲

周武帝未祔廟而書高祖

者史筆也

超拜吏部下大夫鄭譯為開府儀同大將軍內史

中大夫委以朝政

鄭譯有寵事始上卷八年朝直遥翻

己未葬武皇帝於

孝陵廟號高祖既葬詔内外公除帝及六宮皆議即吉

京兆郡丞樂運上疏以為葬期既促事訖即除太為汲

汲帝不從

樂運擢京兆郡丞見一百七十一卷五年自丁酉至己未二十三日而葬太速矣上時掌

翻 帝以齊煬王憲屬尊望重忌之

齊王於周主叔父也屬尊出將入相著功

名其望重謚法好內遠禮曰煬憲豈有是哉周主殺之加以惡謚耳煬余亮翻

謂宇文孝伯曰

公能為朕圖齊王

為子偽翻

當以其官相授孝伯叩頭曰先

帝遺詔不許濫誅骨肉齊王陛下之叔父功德茂社

稷重臣陛下若無故害之臣又順旨曲從則臣為不忠

之臣陛下為不孝之子矣帝不懌由是疎之乃與開府

儀同大將軍于智鄭譯等密謀之使智就宅候憲因告

憲有異謀甲子帝遣宇文孝伯語憲

語牛倨翻

欲以憲為太

師太師三師之首憲辭讓又使孝伯召憲曰晚與諸王俱入既

至殿門憲獨被引進

被皮義翻

帝先伏壯士於別室至即執

之憲自辯理帝使于智證憲憲目光如炬與智相質

質證

也驗也

或謂憲曰以王今日事勢何用多言憲曰死生有

命寧復圖存

復扶又翻

但老母在堂恐留茲恨耳

言既誣以異謀恐罪

及其母也

因擲笏於地遂縊之

縊於賜翻經也絞也

帝召憲僚屬使證

成憲罪參軍勃海李綱誓之以死終無撓辭

撓奴教翻曲也

有

司以露車載憲尸而出

車無帷蓋曰露車

故吏皆散唯李綱撫

棺號慟躬自瘞之

綱在憲府先此未有聞焉而能臨難盡節於所事隋唐之間汜能自持有

以也夫號戶刀翻瘞於計翻

哭拜而去又殺上大將軍王興上開府

儀同大將軍獨孤熊開府儀同大將軍豆盧紹

隋書曰豆盧本

姓慕容燕北地王精之後中山敗歸魏北人謂歸義為豆盧因氏焉

皆素與憲親善者也

帝既誅憲而無名

無罪以加之為無名古所謂無名之師亦言無罪而加之兵也

乃云

與興等謀反時人謂之伴死

伴蒲旱翻

以于智為柱國封齊

公以賞之

閏月乙亥周主立妃楊氏為皇后

楊堅之女也

辛巳周以趙王招為太師陳王純為太傅

齊范陽

王紹義聞周高祖殂以為得天助幽州人盧昌期起兵

據范陽

五代志幽州治薊城
涿縣舊置范陽郡

迎紹義紹義引突厥兵赴

之周遣柱國東平公神舉將兵討昌期

將即亮翻

紹義聞幽

州總管出兵在外欲乘虛襲薊

薊音計

神舉遣大將軍宇

文思將四千人救之半為紹義所殺會神舉克范陽擒

昌期紹義聞之素衣舉哀還入突厥高寶寧帥夷夏數

萬騎救范陽

還從宣翻又音如字厥九勿翻
帥讀曰率夏戶雅翻騎奇寄翻

至潞水

水經

注鮑丘水出禦夷北塞中俗謂
之大榆河南過潞縣為潞水

聞昌期死還據和龍

秋七月周主享太廟丙午祀園丘

按五代志周祭園丘及南郊並正月上辛

今用七月丙午非舊制

庚戌周以小宗伯斛斯徵為大宗伯壬

戌以亳州摠管楊堅為上柱國大司馬

五代志譙郡後魏置南兖州後

周置摠管府後改曰亳州亳州旁各翻

癸亥周主尊所生母李氏為帝太

后

嫡母阿史那氏既尊為皇太后又尊生母為帝太后

八月丙寅周主祀西郊

五代志後周五郊壇其崇及去國如其行之數其方俱百二十步內墻皆半之

壬申如同州以

大司徒杞公亮為安州摠管上柱國長孫覽為大司徒

揚公王誼為大司空

長知兩翻

丙戌以永昌公椿為大司

寇 九月乙巳立方明壇於婁湖戊申以揚州刺史始

興王叔陵為王官伯臨盟百官

周禮司盟掌盟載之法凡邦國有疑會同則掌

其盟約之載北面詔明神既盟則貳之鄭玄注曰有疑不協也明神之明察者謂日月山川也覲禮加方明於壇上所以依之也詔之者讀其載書以告之也貳之者寫其副當以授六官陳祥道曰諸侯覲於天子為宮方三百步四門壇十有二尋深四尺加方明于其上覲禮方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥東方圭北方璜鄭氏曰方明者上下四方神明之象也會同而盟明神監之六色象其神六玉以禮之上宜以蒼璧下宜以黃琮而不以者則上下之神非天地之至貴者也設玉者刻其木以著之王官伯者古者天子盟諸侯使天子之老涖之如春秋踐土之盟王子虎盟諸侯

於王庭是之謂王官伯時彭城喪師陳人通國上下搖心故為是盟

庚戌周主封其弟

元為荊王

周主詔諸應拜者皆以三拜成禮

三拜成禮用夷

禮也

甲寅上幸婁湖誓衆乙卯分遣大使以盟誓班下

四方上下相警戒

使疏吏翻班下戶嫁翻班布也

冬周主還長安以

大司空王誼為襄州總管

五代志襄陽郡江左僑置雍州西魏改曰襄州

戊

子以尚書左僕射陸繕為尚書僕射十一月突厥寇

周邊圍酒泉殺掠吏民

五代志張掖郡福祿縣舊置酒泉郡

十二月甲

子周以畢王賢為大司空

己丑周以河陽總管滕王

道為行軍元帥帥衆入寇

道音由元帥所類翻
帥衆之帥讀曰率

十一年春正月癸巳周主受朝於露門

露門當作路門
路大也蓋周之

外朝也程泰之作雍錄以唐大明宮丹鳳門太極
宮承天門皆為唐之外朝蓋識此意朝直遙翻

始與

羣臣服漢魏衣冠

以此知後周之君
臣前此蓋胡服也

大赦改元大成置

四輔官以大冢宰越王盛為大前疑相州總管蜀公尉

遲迴為大右弼申公李穆為大左輔大司馬隨公楊堅

為大後承

尉紆勿翻記文王世子虞夏商周皆有師保
有疑丞設四輔及三公周主倣此以置官

周主之初立也以高祖刑書要制為太重而除之

周行
刑書

要制見上九年

又數行赦宥

數所角翻下同

京兆郡丞樂運上疏

上時掌翻

以為虞書所稱眚災肆赦

眚所景翻

謂過誤為害當緩赦之

呂刑云五刑之疑有赦謂刑疑從罰罰疑從免也謹尋

經典未有罪無輕重溥天大赦之文大尊豈可數施非

常之惠以肆姦宄之惡乎

大尊猶言至尊也

帝不納既而民輕

犯法又自以奢淫多過失惡人規諫

惡烏路翻

欲為威虐懾

服羣下

懾之涉翻

乃更為刑經聖制

考異曰周帝紀行刑經聖制在八月案隋元

巖傳樂運之諫因巖納說得免及王軌之死巖遂廢于家今運書已有更巖前制之語然則行刑經在軌死前

也用法益深大醮於正武殿告天而行之五代志道家齋法夜中於

星辰之下陳設酒脯麴餌幣物歷祀天皇太一祀五星列宿為書燒香陳讀云奏上天曹名之為醮醮子肖翻

密令左右伺察羣臣伺相吏翻小有過失輒行誅譴又居喪

纔踰年輒恣聲樂魚龍百戲常陳殿前五代志齊武平中有魚龍爛漫

俳優侏儒山車巨象拔井種瓜殺馬剝驢等奇怪異端百有餘物名為百戲時鄭譯有寵於周主徵齊散樂並

會京師為之蓋秦角抵之流也累日繼夜不知休息多聚美女以實後

宮增置位號不可詳錄遊宴沈湎或旬日不出沈持林翻湎彌

交翻毛晃曰沈湎飲酒齊其色羣臣請事者皆因宦者

奏之於是樂運輿觀詣朝堂陳帝八失

觀初現翻空棺朝直遙翻下同

其一以為大尊比來事多獨斷

比毗至翻斷丁亂翻

不參諸宰輔

與衆共之其二搜美人以實後宮儀同以上女不許輒

嫁貴賤同怨其三大尊一入後宮數日不出所須聞奏

多附宦官其四下詔寬刑未及半年更嚴前制其五高

祖斲雕為朴崩未踰年而遽窮奢麗其六徭賦下民以

奉俳優角抵其七上書字誤者即治其罪

上時掌翻治直之翻

杜

獻書之路其八立象垂誠不能諮諏善道

立象天象也日月星辰在

天成象諷子于
翻又子侯翻

脩布德政若不草茲八事臣見周廟不

血食矣

犧牲之薦
為血食

帝大怒將殺之朝臣恐懼莫有救者

內史中大夫洛陽元巖歎曰臧洪同死人猶願之

陳容願與

臧洪同死事見六十一
卷漢獻帝興平三年

況比干乎

以樂運忠諫
況之比干

若樂運

不免吾將與之俱斃乃詣閤請見

見賢
遍翻

曰樂運不顧其

死欲以求名陛下不如勞而遣之

勞力
到翻

以廣聖度帝頗

感悟明日召運謂曰朕昨夜思卿所奏實為忠臣賜御

食而罷之

癸卯周立皇子闡為魯王

按李延壽北史
靜帝諱衍後改

名闡觀此則九年周立皇子
衍為道王自是高祖之子邪

甲辰周主東巡以許公宇

文善為大宗伯戊午周主至洛陽立魯王闡為皇太子

闡昌

善翻 二月癸亥上耕籍田

籍在亦翻

周下詔以洛陽為

東京發山東諸州兵治洛陽宮

治直之翻

常役四萬人徙相

州六府於洛陽

周置相州六府見上九年相息亮翻

周徐州總管王軌

聞鄭譯用事自知及禍謂所親曰吾昔在先朝實申社

稷至計今日之事斷可知矣

朝直迷翻斷丁亂翻

此州控帶淮南

鄰近疆寇欲為身計易如反掌

疆寇謂陳易以鼓翻

但忠義之節

不可虧違況荷先帝厚恩

荷下可翻

豈可以獲罪嗣主遽忘

之邪

邪音耶

止可於此待死冀千載之後知吾此心耳

載作

亥翻周主從容問譯曰我脚杖痕誰所為也對曰事由烏

九執

受杖事見上卷八年王執蓋賜姓烏九氏故稱之從千容翻

宇文孝伯因言執

將須事

宇文孝伯何為出此言也欲自求免死耶然終於不免也將須事見同上

帝使內史

杜慶信就州殺執元巖不肯署詔御正中大夫顏之儀

切諫

武成元年置御正四人

帝不聽巖進繼之脫巾頓顙三拜三

進

顙蘇朗翻顙也

帝曰汝欲黨烏九執邪巖曰臣非黨執正恐

濫誅失天下之望帝怒使閹豎搏其面

搏手擊也

軌遂死嚴

亦廢於家遠近知與不知皆為軌流涕

為子偽翻

之儀之推

之弟也

顏之推先仕於齊齊亡入周

周主之為太子也上柱國尉遲

運為宮正

此太子宮正也尉紆勿翻

數進諫不用

數所角翻

又與王軌宇

文孝伯宇文神舉皆為高祖所親待太子疑其同毀已

及軌死運懼私謂孝伯曰吾徒必不免禍為之奈何孝

伯曰今堂上有老母地下有武帝

武帝即高祖也

為臣為子知

欲何之也

之往也

且委質事人本徇名義諫而不入死焉可

逃質如字馬
於乾翻

足下若為身計宜且遠之遠於
願翻於是運求

出為秦州總管

天水郡
舊秦州

他日帝託以齊王憲事讓孝伯

曰公知齊王謀反何以不言對曰臣知齊王忠於社稷

為羣小所譖言必不用所以不言且先帝付囑囑
之

欲翻
託也

唯令輔導陛下今諫而不從實負顧託以此為罪

是所甘心帝大慙俛首不語

令力丁翻
俛音免

命將出賜死於

家

將引也
領也

時宇文神舉為并州刺史帝遣使就州醜殺

之

使疏
吏翻

尉遲運至秦州亦以憂死

周罷南伐諸軍

突厥佗鉢可汗請和於周

厥九勿翻可從刊入聲汗音寒

周主以趙王

招女為千金公主妻之

妻七細翻

且命執送高紹義佗鉢不

從 辛巳周宣帝傳位於太子闡大赦改元大象自稱

天元皇帝所居稱天臺寃二十四旒車服旂鼓皆倍於

前王之數皇帝稱正陽宮置納言御正諸衛等官

保定四年

改宗伯為納言此納言似隋官之納言為門下省長官

諸衛等官左右宮伯小宮伯左右中侍左右侍左右前

侍左右後侍左右騎侍左右宗侍左右庶侍左右勳侍

左右武伯小武伯左右武賁左右旅賁左右射聲左右

驍騎左右羽林 皆準天臺尊皇太后為天元皇太后天

左右游擊也

元既傳位驕侈彌甚務自尊大無所顧憚國之儀典率

情更變

更工衡翻

每對臣下自稱為天用搏彛珪瓚以飲食

周禮有六尊六彛尊有壺而彛有舟鄭玄曰彛亦尊也
樽鬯曰彛彛法也言為尊之法鄭衆曰於圭頭為器可

以挹鬯裸祭謂之瓚瓚藏旱翻

令羣臣朝天臺者致齋三日清身一日

朝直遙翻

既自比上帝不欲羣臣同已常自帶綬冠通天冠

加金附蟬顧見侍臣弁上有金蟬及王公有綬者並令

去之

五代志古者君臣佩玉綬者所以貫佩相承受也又上下施鞞如蔽膝五霸之後戰兵不息佩非兵

器鞞非戰儀於是解去佩鞞留其繫綬而已鞞佩既廢
秦乃以采組連結於綬又謂之綬周制皇帝組綬以蒼

以青以朱以黃以白以玄以纁以紅以紫以緹以碧以綠十有二色諸王及三公九色自黃以下王侯以下以差降殺通天冠古制高九寸正豎頂少斜却乃直下鐵為卷梁前有展簪冠前加金博山述如金附蟬者乃侍中常侍所冠武弁也史皆言天元之率意自尊綬音受冠通之冠古玩翻令力丁翻去羌呂翻不聽人

有天高上大之稱

稱尺證翻

官名有犯皆改之改姓高者為

姜

齊太公之後食采於高因以姜為氏本姜姓也使改從本姓

九族稱高祖者為長祖

長知

又令天下車皆以渾木為輪

渾戶本翻

禁天下婦人不

得施粉黛

粉以傅面黛以填額畫眉

自非宮人皆黃眉墨粧每召侍

臣議論唯欲興造變革未嘗言及政事游戲無常出入

不節羽儀仗衛晨出夜還

還從宣翻又音如字

陪侍之官皆不堪

命自公卿以下常被楚撻每捶人皆以百二十為度謂

之天杖

被皮義翻下同捶止樂翻

其後又加至二百四十宮人內職

亦如之后妃嬪御雖被寵幸亦多杖背於是內外恐怖

怖蒲布翻

人不自安皆求苟免莫有固志重足累息

重足而立屏氣

積鬱而不敢息重直龍翻累力委翻

以逮於終

戊子周以越王盛為太

保尉遲迴為大前疑代王達為大右弼辛卯徙鄴城石

經於洛陽

尉紆勿翻漢靈帝時蔡邕立石經於太學講堂前一曰立於鴻都門魏正始中又立古篆

隸三字石經高澄遷之於鄴周今復徙之洛陽詔河陽幽相豫亮青徐七總管

並受東京六府處分

相息亮翻處昌呂翻分扶問翻

三月庚申天元還

長安大陳軍伍親擐甲胄

擐音官

入自青門靜帝備法駕

以從

青門漢長安城東出南來第三門也門色青故名青門法駕次於大駕從才用翻

夏四月

壬戌朔立妃朱氏為天元帝后后吳人本出寒微生靜

帝長於天元十餘歲

長知兩翻

疎賤無寵以靜帝故特尊之

乙巳周主祠太廟壬午大醮於正武殿五月以襄國郡

為趙國濟南郡為陳國武當安富二郡為越國上黨郡

為代國新野郡為滕國邑各萬戶

食邑各有實土安富當作安福五代志浙

陽郡武當縣舊制武當郡又安福縣置安福郡南陽郡之新野縣舊曰棘陽置新野郡濟子禮翻

令趙

王招陳王純越王盛代王達滕王道並之國隨公楊堅

私謂大將軍汝南公慶曰天元實無積德視其相貌壽

亦不長

相息亮翻

又諸藩微弱各令就國曾無深根固本之

計羽翮既翦何能及遠哉

觀揚堅此言豈有篡心哉然堅處猜虐之朝而發此言其

免者蓋幸也

慶神舉之弟也

突厥寇周并州

厥九勿翻并卑經翻

六

月周發山東諸民脩長城

修齊所築長城也齊築長城見一百六十六卷梁敬帝太

平元

秋七月庚寅周以楊堅為大前疑柱國司馬消

難為大後承

難乃旦翻

辛卯初用大貨六銖錢

五代志梁武帝鑄錢

肉好周郭文曰五銖而又別鑄除其肉郭謂之女錢二品並行百姓或私以古錢交易有直百五銖五銖女錢太平百錢定平一百五銖雉錢五銖對文等號輕重不一天子頻下詔書非新鑄二種之錢並不許用而私用益甚至普通通中乃議盡罷銅錢更鑄鐵錢人以鐵賤易得並皆私鑄大同已後所在鐵錢如丘山錢陌所在不等等至于末年陌益少以三十五為陌陳初承喪亂之後鐵錢不行始梁末又有兩柱錢及鵝眼錢兩柱重而鵝眼輕雜而用之其價同私家多鎔錢又間以錫鉄兼以粟帛為貨至文帝天嘉五年改鑄五銖初出當鵝眼之十至是又鑄大貨六銖以一當五銖之十後還當一人皆不以為便末幾帝崩遂廢六銖而行五銖

丙

申周納司馬消難女為正陽宮皇后

靜帝后也
難乃旦翻

己酉

周尊天元帝太后李氏為天皇太后壬子改天元皇后

朱氏為天皇后立妃元氏為天右皇后陳氏為天左皇

后凡四后云元氏開府儀同大將軍晟之女

晟成
正翻

陳氏

大將軍山提之女也

陳山提爾朱兆蒼頭也見一百
五十六卷梁武帝中大通五年八

月庚申天元如同州

丁卯上閱武於大壯觀命都督

任忠帥步騎十萬陳於玄武湖都督陳景帥樓艦五百

出瓜步江振旅而還

觀古玩翻釋名觀者於上觀望帥
讀曰率騎奇寄翻陳讀曰陣樓艦

即樓船兩面施重板列戰格故謂之樓艦艦戶暗翻還音旋又如字帝自喪師於彭城設近陳以耀武所謂不足者示人有餘也

壬申周天元還長安甲戌以陳山提元晟

並為上柱國

二人者皆后父也晟丞正翻

戊寅上還宮豫章內史

南康王方泰在郡秩滿縱火延燒邑居因行暴掠驅錄

富人徵求財賄

錄收也

上閱武方泰當從

從才用翻

啟稱母疾

不行而徵服往民間淫人妻為州所錄

州謂揚州也

又帥人

仗抗拒傷禁司

仗兵仗禁司掌禁防姦非者帥讀曰率

為有司所奏上大

怒下方泰獄

下戶嫁翻

免官削爵土尋而復舊

壬午周以

上柱國畢王賢為太師郇公韓業為大左輔九月乙卯

以鄴王貞為大冢宰以郇公孝寬為行軍元帥

郇音荀
鄴音豐

鄴音云帥
所類翻

帥行軍總管杞公亮郇公梁士彥寇淮南

帥讀

日仍遣御正杜杲禮部薛舒來聘冬十月壬戌周天

元幸道會苑大醮以高祖配醮初復佛像及天尊像

周毀

經像見上
卷六年

天元與二像俱南面坐大陳雜戲令長安士

民縱觀

令力
丁翻

甲戌以尚書僕射陸繕為尚書左僕射

十一月辛卯大赦周韋孝寬分遣杞公亮自安陸

攻黃城梁士彥攻廣陵

分兩路進兵以攻淮南此廣陵在新息

甲午士彥

至肥口

肥水入淮之口

乙未周天元如溫湯

即驪山溫湯在驪山西北十道

志曰溫泉有三所其一處即皇堂石井後周宇文護所造

戊戌周軍進圍壽陽

周天元如同州

詔開府儀同三司南兗州刺史淳于

量為上流水軍都督中領軍樊毅都督北討諸軍事左

衛將軍任忠都督北討前軍事前豐州刺史臯文奏帥

步騎三千趣陽平郡

五代志建安郡陳置豐州江都郡安宜縣梁置陽平郡臯姓臯陶之

後左傳有越大夫臯如帥讀曰率下同騎奇寄翻下同趣七喻翻下同

壬寅周天元還長

安 癸卯任忠帥步騎七千趣秦郡

趣七喻翻

丙午仁威將

軍魯廣達帥衆入淮

梁置五德將軍智仁勇信嚴五威將軍代舊征虜五武將軍代舊冠

軍

是日樊毅將水軍二萬自東關入焦湖

九域志巢湖亦謂之焦湖

樊毅水軍欲自此湖向合肥將即亮翻又音如字領也焦子小翻

武毅將軍蕭摩訶帥

步騎趣歷陽

武毅將軍亦梁置下於五德二班

戊申韋孝寬拔壽陽杞

公亮拔黃城梁士彥拔廣陵辛亥又取霍州

水經注蕭齊立霍州

治濡縣天柱山五代志廬江郡霍山縣梁置霍州

癸丑以揚州刺史始興王叔

陵為大都督總水步衆軍

丁巳周鑄永通萬國錢一

當千與五行大布並行

五代志周令五行大布與五銖三品並用

十二月

戊午周天元以災異屢見舍仗衛如天興宮百官上表

勸復寢膳

見賢遍翻舍讀曰捨上時掌翻

甲子還宮御正武殿集百官

及宮人外命婦

外命婦五命以上官之妻也

大列伎樂

伎渠綺翻

初作乞

寒胡戲

杜佑曰乞寒者本西國外藩之樂也新唐書康國之俗十一月鼓舞乞寒以水交潑為樂其戲

流入中國

乙丑南北充晉三州

五代志不載北充州所治同安郡梁置豫州後改曰

晉州後齊改江州陳復曰晉州

及盱眙山陽陽平馬頭秦厯陽沛北譙

南梁等九郡民並自拔還江南

考異曰陳紀九郡作九州蓋字誤五代志江

都永福縣舊曰沛梁置涇城東陽二郡及涇州陳廢州併二郡為沛郡全椒縣梁置北譙郡南梁郡自宋志有之不知其實土所在梁天監二年馮道根以南梁太守戍阜陵蓋自是為實土周又取譙北徐

州

譙州治渦陽在譙郡山桑縣北徐州置於琅邪郡

自是江北之地盡沒於周

周天元如洛陽親御驛馬日行三百里四皇后及文

武侍衛數百人並乘駟以從

駟人質翻亦驛馬也從才用翻

仍令四后

方駕齊驅

方駕並駕也

或有先後輒加譴責人馬頓仆相及

於道 癸酉遣平北將軍沈恪電威將軍裴子烈鎮南

徐州開遠將軍徐道奴鎮柵口

電威開遠將軍品並第七秩六百石柵口柵江

前信州刺史楊寶安鎮白下戊寅以中領軍樊毅都

督荊郢巴武四州水陸諸軍事

五代志南郡公安縣陳置荊州江夏郡置郢州

巴陵郡置巴州

武陵郡置武州

已卯周天元還長安 貞毅將軍汝

南周法尚

貞毅將軍班五德將軍之下

與長沙王叔堅不相能叔堅

譖之於上云其欲反上執其兄定州刺史法僧

五代志永安郡

麻城縣陳置定州其地時已沒於周

發兵將擊法尚法尚奔周周天元以

為儀同大將軍順州刺史

五代志漢東郡順義縣西魏置順州

上遣將軍

樊猛濟江擊之法尚遣部曲督韓朗詐降於猛曰法尚

部兵不願降北

降戶江翻

人皆竊議欲叛還

還從宣翻又音如字

若得

軍來自當倒戈猛以為然引兵急趨之

趨七喻翻又音如字

法尚

陽為畏懼自保江曲

江曲江之水之曲

戰而偽走伏兵邀之猛僅

以身免沒者幾八千人

幾居依翻

資治通鑑卷一百七十三

欽定四庫全書

資治通鑑卷一百七十四 宋 司馬光 撰

胡三省 音註

陳紀八

上章困敦一年

高宗宣皇帝下之上

太建十二年春正月癸巳周天元祠太廟

史言周天元既以朝政授

其子而猶主祭祀

戊戌以左衛將軍任忠為南豫州刺史

此時

南豫州治宣城任音壬

督緣江軍防事 乙卯周稅入市者人一

錢 二月丁巳周天元幸露門學釋奠周露門學在露門左右塾古者

仲春仲秋皆以上丁釋奠于先聖先師鄭玄曰釋奠者設薦饌酌奠而已 戊午突厥入貢

于周且迎千金公主周許以千金公主妻突厥 乙丑周

天元改制為天制敕為天敕制者大賞罰大除授赦宥應因慰勞用之敕者廢置

州縣增減官吏除免官爵授六品以上官發兵施行百官奏請戒約臣下皆用之皆宣署申覆而後行 壬

午尊天元皇太后為天元上皇太后天皇太后為天元

聖皇太后二太后天元嫡母阿史那氏所生母李氏也 癸未詔楊后與三后

皆稱太皇太后三后朱后元后陳后也 司馬后直稱皇后司馬后正陽宮皇后

也 行軍總管杞公亮天元之從祖兄也

天元從祖字文泰之兄弟也從

才用

其子西陽公溫妻尉遲氏蜀公迴之孫

尉紆翻

有美

色以宗婦入朝天元飲之酒逼而淫之

朝直遙翻 飲干禁翻

亮聞

之懼三月軍還至豫州

自淮南還軍豫州治汝南還音旋又音如字

密謀襲

韋孝寬并其衆

韋孝寬征南行軍元帥帥所類翻

推諸父為主

諸父謂趙王招

兄鼓行而西亮國官茹寬知其謀

諸國公各有國官茹姓也後魏書普六茹

後改為茹氏余按太和之時南齊有茹法亮蓋南國自有茹氏今茹寬既仕於北國恐出於普六茹氏茹音如

先告孝寬孝寬潛設備亮夜將數百騎襲孝寬營

將即亮翻

又音如字領
也騎奇寄翻

不克而走戊子孝寬追斬之溫亦坐誅天

元即召其妻入宮拜長貴妃

長知兩翻

辛卯立亮弟永昌公

椿為杞公

周天元如同州增候正前驅式道候為三

百六十重

候正主候望前驅先驅也式道候在大駕前重直龍翻

自應門至於赤

岸澤

鄭玄曰天子五門臯庫雉應路詩云乃立應門應門將將赤岸澤在長安北同州南道里蓋適中

數十里間幡旗相蔽音樂俱作又令虎賁持鉞馬上稱

警蹕

賁音奔鉞色立翻戟也鉞也警戒也戒人以車駕將至也蹕蹕止行人也

乙未改同州

宮為成天宮庚子還長安

還從宣翻又音如字

詔天臺侍衛之官

皆著五色及紅紫綠衣以雜色為緣名曰品色衣

略翻著則

緣以絹翻五代志
以錦綺續繡為緣

有大事與公服間服之

五代志後周之制諸命秩

之服曰公服其餘常服曰私衣隋唐以下有朝服
有公服朝服曰具服公服曰從省服間古覓翻

壬寅

詔內外命婦皆執笏

後周之制內外命婦各有命服未嘗執笏也

其拜宗廟

及天臺皆俛伏如男子

俛音免

天元將立五皇后以問小

宗伯狄道辛彥之

五代志狄道縣屬金城郡

對曰皇后與天子敵體

不宜有五太學博士西城何妥曰昔帝嚳四妃虞舜二

妃先代之數何常之有

博士秦官漢置五經博士即太學博士也晉武帝立國子學置

博士一人遂有國子博士太學博士之分西城郡時置
金州帝王紀云帝譽四妃元妃有邵氏女曰姜嫄次妃
有娥氏女曰簡狄次妃陳豐氏女曰慶都次妃嫫訾氏
曰常義列女傳云舜二妃堯之二女長曰娥皇次曰女
英史言何妥曲學以阿世不可以訓譽苦沃
翻嫫音原嫫遵須翻訾子斯翻妥它果翻帝大悅免

彥之官甲辰詔曰坤儀比德土數惟五四太皇后外可

增置天中太皇后一人於是以陳氏為天中太皇后尉

遲妃為天左太皇后

陳氏山提之女尉遲氏
宇文溫之妻尉紆勿翻

又造下帳

五使五皇后各居其一實宗廟祭器於前自讀祝版而

祭之

下帳山陵中便房所用此所謂下帳蓋周天元以
自所居者為上帳五皇后所居者為下帳也祝版

所以祝鬼神又以五輅載婦人自帥左右步從

按古制有五輅後周之制

皇帝之輅十有二等皇后之車十有二等亦曰輅下至三妃三公三公夫人之輅皆九至上媛婦中大夫孺人其輅五天元雖淫侈無道何至以古之五輅載婦人其實用媛婦以下所乘五輅耳五輅謂玄輅夏篆夏縵墨車輅車也即讀曰率從才用翻

又好倒懸雞及碎瓦於車上觀其號呼

以為樂

好呼到翻號戶高翻樂音洛

夏四月癸亥尚書左僕射陸

繕卒

卒子恤翻

己巳周天元祠太廟己卯大雩壬午幸仲

山祈雨

顏師古曰仲山即今九峩山之東仲山是也括地志仲山在雍州雲陽縣西十五里甲申

還宮令京城士女於衢巷作樂迎候

還從宣翻又音如字令力丁翻

五月癸巳以尚書右僕射晉安王伯恭為僕射周楊

后性柔婉不妬忌四皇后及嬪御等咸愛而仰之

嬪內官九

嬪也嬪婦也能行婦道者也御侍也進也進御於君者也嬪毗賓翻

天元昏暴滋甚喜怒

乖度嘗譴后欲加之罪后進止詳閑辭色不撓

譴衍戰翻詳審

也諦也閑暇也習也撓曲也又動亂也撓女巧翻又女教翻

天元大怒遂賜后死逼

令引訣

漢書多作引決謂引分自裁也訣別也令力丁翻

后母獨孤氏

獨孤氏信之女

也詣閣陳謝叩頭流血然後得免后父大前疑堅位望

隆重天元忌之嘗因忿謂后曰必族滅爾家因召堅謂

左右曰色動即殺之堅至神色自若乃止內史上大夫

鄭譯與堅少同學

少詩照翻

奇堅相表

相息亮翻

傾心相結堅既

為帝所忌情不自安嘗在永巷

永巷宮中長巷

私於譯曰

身事不敢

昌言之故曰私久願出藩公所悉也

出藩謂出補外藩悉諳究也

願少留意

少詩沼翻

譯曰以公德望天下歸心欲求多福豈敢忘也

鄭譯

被寵於天元為如何天元無恙而與楊堅於宮中私言至及于此小人傾覆何可託邪

謹即言之

天元將遣譯入寇譯請元帥

帥所類翻

天元曰卿意如何對

曰若定江東自非懿戚重臣

懿專久而美也大也

無以鎮撫可令

隨公行以楊爵稱之且為壽陽總管以督軍事天元從之已

丑以堅為揚州總管使譯發兵會壽陽壽陽屬南則為豫州屬北則為

揚州將行會堅暴有足疾不果行先無此疾而忽有此疾曰暴暴猝暴也甲

午夜天元備法駕幸天興宮乙未不豫而還還音旋又如字小

御正博陵劉昉素以狡諂得幸於天元杜佑曰周御正屬天官御正中

大夫五命小御正下大夫四命昉分罔翻狡古巧翻猾也與御正中大夫顏之儀並

見親信天元召昉之儀入卧内欲屬以後事天元瘖不

復能言寢室謂之卧内屬之欲翻瘖昉見靜帝幼冲於今翻復如字又扶又翻亦

幼也周成王率以楊堅后父有重名遂與領內史鄭譯

稱冲人冲子

鄭譯以內史上

御飾大夫柳裘

周置御飾大夫掌御飾其御服又置司服掌之

內史大夫杜陵韋謏

杜陵漢晉皆屬京兆後隋併入京兆大興縣其地在隋唐長安城南

謏與御正下士朝那皇甫績

朝那縣屬安定郡後周下士二命

謀引堅

輔政堅固辭不敢當昉曰公若為速為之不為昉自為

也堅乃從之稱受詔居中侍疾裴悵之孫也

柳悵柳元景之從孫

世隆之子世仕江南江陵陷柳氏入關中遂臣於周悵徒甘翻

是日帝殂

年二十二祔祔乎翻祔

不發喪昉譯矯詔以堅總知中外兵馬事

考異曰周帝紀乙未帝

不豫還宮詔堅入侍疾丁未退五王入朝己酉大漸昉
譯矯制以堅受遺輔政是日帝崩按堅以變起倉猝故
得矯命當國若自己未至己酉凡
十五日事安得不泄今從隋帝紀

顏之儀知非帝指拒

而不從昉等草詔署訖逼之儀連署之儀厲聲曰主上

升遐

記曲禮告喪曰天王登假鄭玄曰登上也假已也
上已者言若仙去云耳登猶升也假與遐同音霞

嗣子冲幼

靜帝時
年八歲

阿衡之任

商相伊尹輔太甲稱阿衡
孔安國傳曰阿倚衡平

宜在宗英

才過人曰英宗英宗
室之中其才過人者

方令趙王最長以親以

德合膺重寄

趙王謂趙王招於靜帝諸大父行
中其年最長長知兩翻膺當也

公等備

受朝恩

朝直
遙翻

當思盡忠報國奈何一旦欲以神器假人

老子天下神器為者敗之執者失之註云大寶之位是天地神明之器故不可以力為也又曰國之利器不可
人以授之儀有死而已不能誣罔先帝昉等知不可屈乃

代之儀署而行之諸衛既受勅並受堅節度

周自左右官伯至左

右羽林游擊皆諸衛官也

堅恐諸王在外生變以千金公主將適突

厥為辭徵趙陳越代滕五王入朝

五王就國見上卷上年厥九勿翻朝直遙

翻堅索符璽

符謂兵符璽謂天子六璽索山客翻璽斯氏翻

顏之儀正色曰此

天子之物自有主者宰相何故索之

索山客翻堅大怒命引

出將殺之以其民望出為西邊郡守

西邊恐當作西疆五代志臨洮郡合

川縣後周置仍立西疆郡考異曰北史鄭譯傳之儀與宦者謀引大將軍宇文仲輔政仲已至御坐譯知之遽率開府楊惠及劉昉皇甫績柳裘俱入仲與之儀見譯等愕然遂巡欲出隋文因執之於是矯詔復以譯為內史上大夫明日隋文為丞相拜譯柱國府長史按之儀若爾豈復得全今從之儀傳

丁未發喪

靜帝入居天臺罷正陽宮

置正陽宮見上卷上年

大赦停洛陽宮

作

治洛陽宮見上卷上年二月

庚戌尊阿史那太后為太皇太后李

太后為太帝太后

靜帝祖母也

楊后為皇太后朱后為帝太

后

靜帝嫡母生母也

其陳后元后尉遲后並為尼

皆不以德選以色進者也

尼女

以漢王贊為上柱國右大丞相

贊靜帝叔父也周人上右相息亮翻

尊以虛名實無所綜理以楊堅為假黃鉞左大丞相秦

王贄為上柱國百官摠已以聽於左丞相

孔子曰君薨百官摠已以

聽於冢宰三年朱熹曰各摠攝已職以聽也余謂若此者必有伊周之臣而後可

堅初受顧命

顧命始於周成王孔安國曰臨終之命曰顧命余謂顧命者言天子登遐若回顧而有所言也陸德明曰顧工

戶使邦國公楊惠

邦音寒又古寒翻

謂御正下大夫李德林曰

朝廷賜令摠文武事經國任重今欲與公共事必不得

辭德林曰願以死奉公堅大喜始劉昉鄭譯議以堅為

大冢宰譯自攝大司馬昉又求小冢宰

後周置小冢宰上大夫也六命

按爾雅冢大也鄭玄曰冢大之上也冢宰之上不堅私
宜加小字故周官止曰小宰昉分罔翻冢知隴翻

問德林曰欲何以見處

處昌

德林曰宜作大丞相假黃

鉞都督中外諸軍事不爾無以壓衆心

如昉譯之言大冢宰雖六官之

長然猶與諸公等夷德林所言則宇文泰所以輔魏者也不爾猶言不如此也相息亮翻壓於甲翻

及發

喪即依此行之以正陽宮為丞相府時衆情未壹

言周之朝

臣未盡歸心於堅

堅引司武上士盧賁置左右

賁扶分翻

將之東宮

正陽宮本東宮也

百官皆不知所從堅潛令賁部伍仗衛

仗衛執仗

而宿衛之兵也盧賁以司武上士統之楊堅潛令賁此舉為如何

因召公卿謂曰欲求

富貴者宜相隨

觀堅此言則其風心可知矣

徃徃偶語欲有去就賁

嚴兵而至衆莫敢動出崇陽門

崇陽門周宮城之東門

至東宮門

者拒不納賁諭之不去瞋目叱之

瞋昌真翻

門者遂却堅入

賁遂典丞相府宿衛

盧賁遂為楊堅私人矣

賁辯之弟子也

盧辯與蘓

綽共定後周官制者也

以鄭譯為丞相府長史

長知兩翻

劉昉為司馬

李德林為府屬

丞相府有掾有屬

二人由是怨德林內史下大

夫勃海高頴

按隋書高頴自六勃海舊人頴古迴翻

明敏有器局習兵事

多計畧堅欲引之入府

引之入丞相府為官屬

遣楊惠諭意

楊惠堅族

子也堅初秉周政欲引時才故率使
之諭意堅既受禪封觀王改名雍 頰承旨欣然曰願

受驅馳縱令公事不成頰亦不辭滅族乃以為相府司

錄司錄摠錄一府之事

令力丁翻相息亮翻

時漢王贊居禁中每與靜帝同

帳而坐劉昉飾美妓進贊

妓渠綺翻女樂也

贊甚悅之昉因說

贊曰大王先帝之弟時望所歸孺子幼冲豈堪大事

說

為翻孺子謂靜帝

今先帝初崩人情尚擾王且歸第待事寧後

入為天子此萬全計也贊年少

少詩照翻

性識庸下以為信

然遂從之堅草宣帝苛酷之政更為寬大刪略舊律作

刑書要制奏而行之躬履節儉中外悅之

賈誼曰寒者利裋褐飢者

甘糟糠天下之嗷嗷新主之資也古之得天下必先有以得天下之心雖奸雄挾數用術不能外此也更工衡

翻堅夜召太史中大夫庾季才

太史掌天文歷數周制太史中大夫屬春官五

命問曰吾以庸虛

庸言身無所能虛言習中無所有謙辭也

受茲顧命天時

人事卿以為何如季才曰天道精微難可意察竊以人

事卜之符兆已定

符籤也證也驗也兆龜坼文也又人事之兆朕也

季才縱言

不可公豈復得為箕穎之事乎

司馬貞曰堯讓天下於許由由遂逃於箕山洗

耳于潁水復扶又翻又音如字

堅默然久之曰誠如君言獨孤夫人亦

謂堅曰大事已然騎虎之勢必不得下勉之

獨孤夫人堅妃也騎

虎而下必為所噬

堅以相州總管尉遲迴位望素重恐有異圖

相息亮翻尉紆勿翻

使迴子魏安公惇奉詔書召之會葬

魏安郡公五代

志武威郡昌松縣有後魏魏安郡注詳見後

壬子以上柱國韋孝寬為相州

總管又以小司徒叱列長叉為相州刺史

叱列虜複姓出於拓拔氏

西部後為周之戚里先令赴鄴孝寬續進

鄴相州總管治所

陳王純時鎮

齊州

純就國於濟南濟南郡齊州也

堅使門正上士崔彭徵之

門正掌門關啓

閑之節及出入門者彭以兩騎往止傳舍

騎奇寄翻傳張繼翻

遣人召純純

至彭請屏左右密有所道

屏必郢翻道言也

遂執而鎖之因大

言曰陳王有罪詔徵入朝左右不得輒動其從者愕然

而去

朝直遙翻從才用翻

彭楷之孫也

崔楷死職見一百五十六一卷梁武帝大通元年

月五王皆至長安

庚申周復行佛道二教

周禁二教見一百七

十一卷六年復扶又翻又音如字

舊沙門道士精志者簡令入道

簡分別也

周尉遲迥知丞相堅將不利於帝室謀舉兵討之

尉紆

勿翻相息亮翻

韋孝寬至朝歌

五代志汲郡衛縣舊曰朝歌

迥遣其大都督

賀蘭貴

周書賀蘭其先與魏俱起有統伏者為賀蘭莫何弗因以為氏

齋書候韋孝寬

齊相稽翻

孝寬留貴與語以審之疑其有變遂稱疾徐行又

使人至相州求醫藥密以伺之

伺相吏翻

孝寬兄子藝為魏

郡守

守式又翻

迴遣藝迎孝寬孝寬問迴所為藝黨於迴不

以實對

魏郡守與相州提管府同治鄴職事有聯且迴忠于帝室宜其黨于所事守手又翻

孝寬

怒將斬之藝懼悉以迴謀語孝寬

語牛倨翻

孝寬攜藝西走

每至亭驛

亭郵亭也即置驛之所

盡驅其傳馬而去

傳馬即驛馬傳張戀翻

謂驛司曰

驛司掌驛之吏

蜀公將至宜速具酒食

尉遲迴封蜀公故稱之

迴尋遣儀同大將軍梁子康將數百騎追孝寬追者至

驛輒逢盛饌

康將即亮翻又音如字領也騎奇寄翻饌離皖翻又雞戀翻食也

又無馬

遂遲留不進孝寬與藝由是得免

史言韋孝寬機數過人

堅又令

候正破六韓裒詣迴諭旨

破六韓虜三字姓諭譬也告也晚也旨意向也裒薄侯翻

密與摠管府長史晉昶等書

姓花晉本唐叔虞之後以國為氏長知兩翻昶音敞

令為之備迴聞之殺昶及裒集文武士民

文武謂摠管府及州郡文

武官屬也

登城北樓令之曰楊堅藉后父之勢挾幼主

以作威福不臣之迹暴於行路

令力定翻藉慈夜翻暴步卜翻顯示也又如字

顯露也

吾與國舅甥

尉遲迴字文恭之甥

任蕀將相先帝處吾於此

將即亮翻相息

本欲寄以安危今欲與卿等糾合義勇

亮翻處昌呂翻

糾渠黥翻繩三合為糾
言糾合者義取諸此

以匡國庇民何如衆咸從命迴

乃自稱大總管承制置官司

稱大總管者欲以統攝諸
州總管署置官司而隔於

權臣未得以聞於
天子故曰承制

時趙王招入朝留少子在國

趙王招
國於襄

國襄國屬相州總管府
朝直遙翻少詩照翻

迴奉以號令甲子堅發關中兵

以韋孝寬為行軍元帥

帥所
類翻

郕公梁士彥樂安公元諧

化政公宇文忻濮陽公武川宇文述武鄉公崔弘度清

河公楊素隴西公李詢等皆為行軍總管以討迴

梁士
彥國

公邸古國名自元諧以下皆郡公五代志北海郡千乘縣舊置樂安郡地形志夏州有化政郡參考五代志當在夏州巖錄縣界東平郡郵城縣舊置濮陽郡述傳曰述代郡武川人志馬邑郡善陽縣有代郡上黨郡鄉縣石勒置武鄉郡五代志周改馮翊華陰縣為武鄉郡清河郡武城縣舊置清河郡隴西古郡也後魏領襄武首陽縣樂音洛

濮博木翻

弘度楷之孫詢穆之兄子也

李穆時為初并州刺史

宣帝使計部中大夫楊尚希撫慰山東

後周置計部蓋主計會之簿書

若周官之司書杜佑曰計部屬天官

至相州聞宣帝殂

殂乎翻

與尉遲迴發

喪

尉紆勿翻

尚希出謂左右曰蜀公哭不哀而視不安將有

他計吾不去懼及於難

難旦翻

遂夜從捷徑而遁

捷徑者不由正

路捷出取

遲明

遲直利翻待也

迴覺追之不及遂歸長安堅遣

尚希督宗兵三千人鎮潼關

楊尚希弘農人弘農華陰諸楊自東漢至後魏為名

族魏分東西弘農又為兵衛故楊氏有宗兵

雍州牧畢刺王賢

雍於用翻刺盧達翻謚法

慢恨遂過曰刺又不思忘愛曰刺暴慢無親曰刺楊堅加賢以惡謚耳

與五王謀殺堅事

洩

洩與泄同

堅殺賢并其三子掩五王之謀不問

堅豈真不問哉山東

有變內復相圖姑以安反側耳

以秦王贄為大冢宰杞公椿為大司徒

庚子以柱國梁睿為益州總管睿禦之子也

梁禦見一百五十六

卷梁武帝中大通六年

周遣汝南公神慶司衛上士長孫晟

汝南

古郡名晟
丞正翻

送千金公主於突厥

厥九

晟幼之曾孫也

按隋

長孫晟傳及唐宰相世系表晟長孫稚之五世孫稚字幼卿生子裕子裕生紹遠紹遠生覽覽生敬敬生熾熾

生晟非曾孫也若書稚字幼下亦闕卿字

又遣建威侯賀若誼

建威縣侯五代志建威縣

屬武都郡賂佗鉢可汗

可從刊入聲汗音寒

且說之以求高紹義

說輸芮翻

佗鉢偽與紹義獵於南境使誼執之誼敦之弟也

賀若敦弼之父也

秋七月甲申紹義至長安徙之蜀久之病死

於蜀周青州總管尉遲勤迴之弟子也

尉紆勿翻

初得迴

書表送之尋亦從迴迴所統相衛黎洛貝趙冀瀛滄

五代

志汲郡東魏置義州後周為衛州黎陽縣後魏黎陽郡後置黎州武安郡後周置洺州清河郡後周置貝州趙

郡大陸縣舊曰廣阿置殷州後改趙州信都郡舊置冀州河間郡河間縣舊置瀛州勃海郡饒安縣舊置滄州

滅後隋高祖始置毛州迴傳誤也勤所統青齊膠光

莒等州舊置膠州東萊郡舊置光州琅邪郡沂水縣舊

置南青州後皆從之衆數十萬榮州刺史邵公胄五代

陽郡汜水縣古虎牢也後魏置東中府東魏置北豫州後周置榮州邵公胄周宗室也封邵郡公申州

刺史李惠五代志義陽郡江左置司州後東楚州刺史

費也利進五代志琅邪郡後魏置南徐州梁改為東徐

州東魏改東楚州陳改安州後周改泗州宣

史家以舊州名書之邪費也虜潼州刺史曹孝遠按五代志

復姓蓋即費也頭種費扶沸翻

後周亦無潼州但云下邳郡夏丘縣梁置潼州後齊改

曰睢州尋廢夏丘宿豫相去不遠宿豫舊東楚治所意

此時尚有此二各據本州徐州總管司錄席毗羅據兗

州而志逸之也

州五代志魯郡瑕丘縣舊置兗州姓苑前東平郡守畢

席姓其先姓籍避項羽諱改姓席氏

義緒據蘭陵

五代志蘭陵縣舊曰承置蘭陵郡守式又翻

皆應迴懷縣永橋

鎮將紇豆陵惠以城降迴

五代志懷縣屬河內郡隋大業初廢入安昌縣安昌本州

縣紇豆陵虜三字姓魏收官氏志次南諸姓有紇豆陵氏將即亮翻

迴使其所署大將軍

石遜攻建州建州刺史宇文弁以州降之

五代志長平郡舊曰建州

降戶又遣西道行臺韓長業攻拔潞州五代志上黨郡後周置潞州

執刺史趙威署城人郭子勝為刺史紇豆陵惠襲陷鉅

鹿鉅鹿古郡也隋為縣屬襄國郡遂圍恒州五代志恒山郡後周置恒州恒戶登翻工大

將軍宇文威攻汴州五代志滎陽郡後周改曰汴州汴皮變翻置

州刺史烏丸九尼等帥青齊之衆圍沂州五代志琅邪郡舊置北徐州後

周改曰沂州大將軍檀讓攻拔曹毫二州五代志濟陰郡後魏置西

兗州後周改曰曹州譙郡後魏置屯兵梁郡梁郡治睢陽席

毗羅衆號八萬軍於蕃城攻陷昌慮下邑五代志彭城郡滕縣舊曰

蕃置蕃郡隋改曰滕昌慮漢古縣後魏屬蘭陵郡下李
邑亦漢古縣五代志屬梁郡漢書蕃音皮慮音廬

惠自申州攻永州拔之

五代志汝南郡城陽縣梁置楚州東魏置西楚州後齊曰永州

城陽前漢侯國其地在義陽東北

迴遣使招大左輔并州刺史李穆穆

鎖其使封上其書

使疏吏翻上時掌翻

穆子士榮以穆所居天下

精兵處

并州用武之地士健馬多故曰天下精兵處

陰勸穆從迴穆深拒之

堅使內史大夫柳裘詣穆為陳利害

為于偽翻

又使穆子左

侍上士渾往布腹心

布腹心者陳其至誠非貌言也

穆使渾奉尉斗於

堅曰願執威柄以尉安天下

尉斗今之熨斗毛晃曰火斗熨器篆文作尉从扌从

火从又又偏旁手字持火所以申繒也今又以十三鐶

金帶遺堅十三鐶金帶者天子之服也

五代志曰革帶紫禮博二寸禮

圖曰璫綴於革帶阮譔以為有章印則於革帶佩之東觀記曰楊賜拜太常詔賜自所著革帶故知形制尊卑不別今博三寸半加金鏤鰈螳螂鉤以相鉤帶自大裘至於小朝服皆用之天子以十三鐶金帶為異後周制也鐶戶闕翻

遺于季翻

堅大悅遣渾詣韋孝寬述穆意

使述穆意以堅孝寬

附已之心

穆兄子崇為懷州刺史

五代志河內郡舊制懷州

初欲應迴後

知穆附堅慨然太息曰闔家富貴者數十人值國有難

竟不能扶傾繼絕復何面目處天地間乎

難乃旦翻復扶又翻處昌

呂翻不得已亦附於堅迴子誼為朔州刺史

按五代志後齊朔州治桑

乾隋併入馬邑郡善陽縣置穆執送長安又遣兵討郭子勝擒之

迴招徐州摠管源雄東郡守于仲文皆不從雄賀之曾

孫仲文謹之孫也

東郡治白馬源賀本出禿髮氏歸魏改姓源于謹事宇文有大功守手又

翻迴遣宇文胄自石濟宇文威自白馬濟河

石濟在白馬西二

道攻仲文仲文棄郡走還長安迴殺其妻子迴遣檀讓

徇地河南丞相堅以仲文為河南道行軍摠管使詣洛

陽發兵討讓命楊素討宇文胄丁未周以丞相堅都督

中外諸軍事鄖州總管司馬消難亦舉兵應迴

按五代志漢東

郡唐城縣本梁之下澧城後魏之澱西縣也後魏立肆州尋改唐州後周省均款湓歸四州入如此則鄖州已併省今有鄖州總管而志逸置總管府之地此考史之所以難也春秋鄖子之國杜預謂在江夏雲杜縣東南有鄖城章懷太子賢曰雲杜故城在復州沔陽縣西北周蓋因古國名置鄖州于沔陽也鄖音云難乃旦翻

已酉周以柱國王誼為行軍元帥以討消難

師所類翻廣州

刺史于顓仲文之兄也與總管趙文表不協詐得心疾

誘文表手殺之

誘音酉

因唱言文表與尉遲迴通謀堅以

迴未平因勞勉之即拜吳州總管

按隋書于顓傳顓時為東廣州刺史五代

志江都郡梁置南兖州後齊改為東廣州陳復曰南兖後周改曰吳州東廣州蓋因廣陵以名州觀此則此時東廣州刺史與吳州總管並治廣陵

也廣上逸東字顓魚豈翻勞力到翻

趙僭王招謀殺堅

楊堅亦以趙王招謀殺已而加惡謚

邀堅過其第

過古未翻

堅齋酒散就之

則齋

今翻

招引入寢室招子負貫及妃弟魯封等皆在左右佩

刀而立又藏刃於帷席之間伏壯士於室後堅左右皆不得從唯從祖弟開府大將軍弘大將軍元胄坐于戶

側胄順之孫也

元順以伉直得名於孝昌之間從才用翻

弘胄皆有勇力為

堅腹心酒酣招以佩刀刺瓜連啗堅欲因而刺之

酣戶甘翻

刺七賜翻又七迹翻元胄進曰相府有事不可久留招
啗徒敢翻又徒濫翻

訶之曰我與丞相言汝何為者叱之使却胄瞋目憤氣

扣刀入衛詞虎何翻招賜之酒曰吾豈有不善之意邪

卿何猜警如是猜疑也警戒也猜警言招偽吐將入後

閤胄恐其為變扶令上坐如此再三招偽稱喉乾吐土

嘔也上時掌翻坐徂命胄就厨取飲胄不動會滕王適

後至適音堅降階迎之胄耳語曰附耳事勢大異可速

去堅曰彼無兵馬何能為胄曰兵馬皆彼物彼若先發

大事去矣胄不辭死恐死無益堅復入坐

復扶又翻
又音如字胄

聞室後有被甲聲遽請曰相府事殷

被皮義翻相息
亮翻殷衆也

公

何得如此因扶堅下牀趨去招將追之胄以身蔽戶招

不得出堅及門胄自後至招恨不時發彈指出血壬子

堅誣招與越野王盛謀反皆殺之

野亦惡
謚也

及其諸子賞

賜元胄不可勝計

勝音升

周室諸王數欲伺隙殺堅

數所
角翻

伺相堅都督臨涇李圓通常保護之

按隋書李圓通傳
作京兆涇陽人涇

陽縣固屬京兆若以為臨涇
則屬安定圓通少給使堅家

由是得免

癸丑周主封

其弟行為葉王

大建五年六月周皇孫衍生武帝建德二年也大建九年周封皇子衍為道王

武帝建德之六年也令靜帝又封其弟行為葉王李延壽又謂靜帝本名衍改名闡互有背馳當考葉式涉翻

術為郢王

周豫荆襄三州蠻反

豫州汝南郡荆州南郡襄州襄陽郡此蠻

即所謂山蠻自荆襄至于汝漢皆有之

攻破郡縣

周韋孝寬軍至永橋

城諸將請先攻之孝寬曰城小而固若攻而不拔損我

兵威今破其大軍此何能為於是引軍壁於武陟

武陟地名

按五代志在河內郡修武縣界至隋析置武陟縣將即亮翻

尉遲迴遣其子魏安公

惇帥衆十萬入武德軍於沁東

魏安縣公五代志宕渠郡墊江縣後周為魏安

縣又沔陽郡甑山縣梁置梁安郡西魏改曰魏安郡注
又見前河內郡安昌縣舊曰州縣置武德郡尉於勿翻
惇都昆翻帥讀會沁水漲孝寬與迴隔水相持不進此
曰率沁七鴉翻與

迴兵相持耳

孝寬長史李詢密啓丞相堅云梁士彥字文忻

崔弘度並受尉遲迴饒金

長知兩翻相息亮翻饒即亮翻饋也

軍中慙慙

慙采早翻慙慙憂愁不安也

人情大異堅深以為憂與內史上大夫

鄭譯謀代此三人者

後周之制上大夫六命

李德林曰公與諸將

皆國家貴臣未相服從今正以挾令之威控御之耳

即將

亮翻挾令謂挾天子以令諸將也

前所遣者疑其乖異後所遣者又安

知能盡其腹心邪

邪音耶

又取金之事虛實難明今一旦

代之或懼罪逃逸若加縻繫則自鄖公以下莫不驚疑

縻縻

為翻縻陟立翻皆謂

且臨敵易將此燕趙之所以

繫縛

也韋孝寬封鄖國公

敗也

燕惠王信讒用騎劫代樂毅而敗于田單趙惠文王聽間用趙括代廉頗以敗于白起臨敵易將之

禍也將即亮翻燕因

肩翻將即亮翻下同

如愚所見但遣公一腹心明于智

略素為諸將所信服者速至軍所使觀其情偽縱有異

意必不敢動動亦能制之矣堅大悟曰公不發此言幾

敗大事

幾居依翻敗補邁翻

乃命少內史崔仲方往監諸軍為之

節度仲方猷之子也

以杜佑通典攷之少內史當作小內史崔猷見一百六十二卷梁武

帝太清三年仲方有文武才幹與辭以父在山東又命

堅少相款密故欲用之監工銜翻

劉昉鄭譯昉辭以未嘗為將

將即亮翻

譯辭以母老堅不悅

府司錄高頴請行堅喜遣之頴受命亟發

亟紀力翻

遣人辭

母而已自是堅措置軍事皆與李德林謀之時軍書日

以百數德林口授數人文意百端不加治點

治脩改也點塗點也

不加治點不加塗改也治直之翻

司馬消難以鄖隨溫應土順沔僂岳

九州及魯山等八鎮來降

五代志漢東郡西魏置并州後改曰隨州安陸郡京山縣

舊曰新陽梁置新州西魏改曰溫州應山縣梁置應州
漢東郡土山縣梁置土州順義縣梁置順州沔陽郡後
周置復州後改沔州安陸郡吉陽縣後周置澤州孝昌
縣西魏置岳州魯山在沔陽郡漢陽縣界臨江齊梁以
來為重鎮儼當作澤
音戶闕翻難乃旦翻遣其子為質以求援
致質音八月已

未詔以消難為大都督總督九州八鎮諸軍事司空賜

爵隨公庚申詔鎮西將軍樊毅進督沔漢諸軍事

沔即漢也

南豫州刺史任忠帥衆趣歷陽超武將軍陳慧紀為前

軍都督趣南兖州

超武將軍梁置與宣猛將軍同班任音壬帥讀曰率趣七喻翻

周

益州總管王謙

周益州總管府治成都

亦不附丞相堅起巴蜀之

兵以攻始州

此巴蜀謂漢巴郡蜀郡大界五代志普安郡梁置南梁州後改曰安州西魏改曰始

州梁睿至漢川不得進

堅以梁睿代王謙謙舉兵故睿不得進漢川即漢中隋避諱改

曰漢

堅即以睿為行軍元帥以討謙

帥所類翻

戊辰詔以

司馬消難為大都督水陸諸軍事庚午通直散騎常侍

淳于陵克臨江郡

五代志歷陽郡烏江縣梁置江都郡後齊改為齊江郡陳改為臨江郡散

悉竄翻騎奇寄翻

梁世宗使中書舍人柳莊奉書入周丞相堅

執莊手曰孤昔開府從役江陵深蒙梁主殊眷今主幼

時艱猥蒙顧託梁主奕葉委誠朝廷

奕累也奕葉累世也朝直遙翻當

相與共保歲寒

孔子曰歲寒然後知松栢之後彫何晏注曰大寒之歲衆木皆死然後知松栢

不彫傷平歲衆木亦有不死者故須歲寒而後別之喻凡人處治世亦自能修整與君子同在濁世然後知君子之不苟容後之言此時諸將競勸梁主舉兵與尉遲迴保歲寒者義取諸此

連謀以為進可以盡節

將即亮翻尉紆勿翻

周氏退可以席卷山

南

漢沔之地在中南太華諸山之南卷讀曰捲

梁主疑未決會莊至具道堅

語且曰昔袁紹劉表王凌諸葛誕皆一時雄傑據要地

擁彊兵然功業莫就禍不旋踵者良由魏晉挾天子保

京都仗大順以為名故也

袁紹事始六十三卷漢獻帝建安四年終六十四卷十年

劉表事見六十五卷十二年十三年王凌事見七十五
卷魏邵陵厲公嘉平元年終三年諸葛誕事見七十七
卷高貴鄉公甘
露二年三年
今尉遲迴雖曰舊將昏耄已甚

將即亮
翻耄莫

到司馬消難王謙常人之下者非有匡合之才

匡合用
管仲相

齊桓公九合諸
侯一匡天下事

周朝將相多為身計競効節於楊氏

直朝

遙翻將即亮
翻相息亮翻

以臣料之迴等終當覆滅隨公必移周祚

祚福也祿
也位也

未若保境息民以觀其變梁主深然之衆議

遂止高頴至軍為橋於沁水尉遲惇於上流縱火棧曰

大

棧小曰桴縛木為棧寘火積薪於上流
放之欲順流而下以焚橋棧房越翻

頴豫為土狗以

禦之

蓋積土于水中前銳後廣前高後庫其狀如坐狗分居上流以礙火棧使不得下逼橋邊也

考異

曰隋書作木棧

惇布陳二十餘里

陳讀曰陣下同

麾兵少却

少詩

沼翻

欲待孝寬軍半度而擊之孝寬因其却鳴鼓齊進軍

既度頗命焚橋以絕士卒反顧之心惇兵大敗單騎走

寄奇翻

孝寬乘勝進追至鄴庚午迴與惇及惇弟西都公

祐

西都縣公五代志西平郡湟水縣舊曰西都

悉將其卒十三萬陳於城南

迴別統萬人皆綠巾錦襖號黃龍兵

將即亮翻襖烏浩翻袍襖

迴弟

勤帥衆五萬

帥讀曰率

自青州赴迴以三千騎先至迴素習

軍旅老猶被甲臨陳

被皮義翻

其麾下皆關中人為之力戰

關中人不顧父母妻子為迴力戰言其得士心為於偽翻

孝寬等軍不利而却鄴中

士民觀戰者數萬人行軍摠管宇文忻曰事急矣吾當

以詭道破之乃先射觀者

考異曰隋書云高潁與李詢先犯觀者今從北史觀

者皆走轉相騰藉聲如雷霆

人衆而驚故其聲如雷霆射食亦翻下同藉慈夜翻

忻乃傳呼曰賊敗矣衆復振因其擾而乘之迴軍大敗

走保鄴城孝寬縱兵圍之李詢及思安伯代人賀婁子

幹先登

思安縣伯五代志河池郡河池縣後魏置思安縣魏書官氏志神元皇帝時諸部內入者有賀

樓氏蓋虜複姓

崔弘度妹先適迴子為妻及鄴城破迴窘迫升

樓

窘巨隕翻

弘度直上龍尾追之

築道陂陀以工城其道下附於地若龍垂尾然故曰

龍尾上時掌翻

迴彎弓將射弘度弘度脫兜鍪謂迴曰頗相識

不

鑿莫侯翻不讀曰否

今日各圖國事不得顧私以親戚之情謹

遏亂兵不許侵辱事勢如此早為身計何所待也迴擲

弓於地罵左丞相極口而自殺

楊堅時為左右丞相

弘度顧其弟

弘升曰汝可取迴頭弘升斬之軍士在小城中者孝寬

盡阮之

以其從迴為之拒戰也

勤惇祐東走青州

走音奏又音如字

未至

開府儀同大將軍郭衍追獲之丞相堅以勤初有誠款

以勤初表送迴書也相息亮翻

特不之罪李惠先自縛歸罪

李惠自申州舉兵應

迴既而知迴事不成先自歸

堅復其官爵迴末年衰耄

記五十始衰謂精力消耗

八十九十日耄注耄憊忘也耄莫報翻復扶又翻又音如字

及起兵以小御正崔達

挈為長史達挈遲之子也

崔遲見用於高澄挈奴加文翻長知兩翻遲息庶翻

士無籌略舉措多失凡六十八日而敗于仲文軍至蓼

隄去梁郡七里

九域志蓼隄梁孝王築至睢陽三百里按此則九域志所謂睢陽非漢舊城之

地蓼盧鳥翻或音六非

檀讓擁衆數萬仲文以羸師挑戰而偽北

羸倫為翻

讓不設備仲文還擊大破之生獲五千餘人

挑徒了翻

斬首七百級

還從宣翻又音如字

進攻梁郡

梁郡治睢陽

迴守將劉子

寬弃城走

將即亮翻下同

仲文進擊曹州獲迴所署刺史李仲

康檀讓以餘衆屯成武仲文襲擊破之遂拔成武

五代志濟

陰郡成武縣時為永昌郡

迴將席毗羅衆十萬屯沛縣

五代志沛縣屬彭城郡將

即亮將攻徐州

徐州彭城郡沛縣在州西北一百四十里

其妻子在金鄉

五代

志金鄉縣屬曹州濟陰郡

仲文遣人詐為毗羅使者

使疏吏翻

謂金鄉城

主徐善淨曰檀讓明日午時至金鄉宣蜀公令賞賜將

士金鄉人皆喜仲文簡精兵偽建迴旗幟倍道而進

分簡

棟也幟
昌志翻

善淨望見以為檀讓出迎謁仲文執之遂取金

鄉諸將多勸屠其城仲文曰此城乃毗羅起兵之所當

寬其妻子其兵自歸如即屠之彼望絕矣衆皆稱善於

是毗羅恃衆來薄官軍

薄迫也

仲文設伏擊之毗羅衆大

潰爭投洙水死水為之不流

洙水詳見辯誤為干偽翻

獲檀讓檻送

京師

京師謂長安

斬毗羅傳首

亦傳首於長安

韋孝寬分兵討關東

叛者悉平之堅徙相州於安陽毀鄴城及邑居

劉昫曰楊堅令

韋孝寬討尉遲迴平之焚燒鄴城徙其居人南遷四十

五里以安陽城為相州理所仍為鄴縣隋又改為安陽

縣漢魏郡城在縣西北七里煬帝於鄴故分相州置毛

都大慈寺置鄴縣相息亮翻尉紆勿翻

州魏州五代志武陽郡後周置魏州館陶縣置毛州顏師古曰漢武帝時河北決于館陶分為屯氏河

屯音大門翻而隨室分析州縣誤梁主聞迴敗謂柳莊

以為毛氏河乃置毛州失之甚矣

曰若從衆人之言社稷已不守矣丞相堅之初得政也

待黃公劉昉沛公鄭譯甚厚黃古國名沛本縣名以漢高祖初為沛公故亦為國

昉分賞賜不可勝計勝音升委以心膂膂力舉翻字林膂脊骨也人之一身

思慮之所以運者心腰背屬朝直遙翻稱黃

之所以強者臂故以為喻

沛二人皆恃功驕恣

恃其汲引之功也

溺於財利不親職務及

辭監軍堅始疎之恩禮漸薄

監工銜翻

高頴自軍所還

言自鄴還

還音旋又如字

寵遇日隆時王謙司馬消難未平

難乃旦翻

堅憂之

忘寢與食而昉逸游縱酒相府事多遺落

遺失也落墜也相息亮翻

堅乃以高頴代昉為司馬不忍廢譯陰勅官屬不得白

事於譯

勅戒也

譯猶坐聽事

聽事丞相府長史聽事也聽讀曰廳

無所闕預

要會之處為闕又聯絡也預參預也又干也

惶懼頓首求解職堅猶以恩禮

慰勉之

癸酉智武將軍魯廣達克周之郭默城

梁置五德

將軍智武其一也郭默城當在今蘄黃二州界

丙子淳于陵克祐州城

祐州城地闕

周以漢王贊為太師申公李穆為太傅宋王寶為大

前疑秦王贇為大右弼燕公于寔為大左輔

燕因肩翻

寔仲

文之父也周王誼帥四總管至鄆州司馬消難擁其

衆以魯山甌山二鎮來降

五代志甌山縣後周置屬沔陽郡帥讀曰率鄆音云難乃

旦翻甌子孕翻降戶江翻

初消難遣上開府儀同大將軍段珣將兵

圍順州

將即亮翻又如字領也

順州刺史周法尚不能拒弃城走

消難虜其母弟而南樊毅救消難不及周亳州總管元

景山擊之毅掠居民而去景山與南徐州刺史宇文弼

追之

按隋書宇文弼傳弼時為南司州刺史與元景山共追樊毅又五代志安陸郡吉陽縣梁置義陽郡

西魏改為南司州其地近潁順諸州南徐當作南司弼古弼字與毅戰於漳口

此漳非左傳所

謂江漢沮漳之漳今安陸西五十里有漳水沈括筆談曰清濁相揉者為漳章文也別有雲夢之漳與潁合流色理如蟬蛻數十里方混一日三戰三捷毅退保甌山鎮城邑為消

難所據者景山皆復取之鄖州巴蠻多叛

按王誼傳於時北至商洛

南拒江淮東西二千餘里巴蠻多叛是則晉宋以來所謂山蠻也南朝諸史所謂荊雍州蠻者也以其先出於巴種故謂之巴蠻共推渠帥蘭雄州為主以附消難

渠大也渠帥者大帥

也帥所類翻
下氏帥同

王誼遣諸將分討之旬月皆平陳紀蕭摩

訶攻廣陵

陳紀即陳慧紀

周吳州摠管于顓擊破之顓魚沙州豈翻

氏帥楊永安聚衆應王謙大將軍樂寧公達奚儒討之

按隋書達奚長儒傳沙氏楊永安扇動利興武文沙龍等六州以應謙參考五代志獨不載沙州蓋沙氏所居之地就置沙州以授其渠帥也又長儒襲父慶爵樂安公志云北海郡博昌縣舊曰樂安寧當作安儒上逸長

字楊素破宇文胄於石濟斬之周以神武公竇毅為

大司馬

竇毅即前紀豆陵毅

齊公于智為大司空九月以小宗伯

竟陵公楊惠為大宗伯

竟陵縣公五代志沔陽郡竟陵縣舊曰霄城置竟陵郡後周廢

郡改縣
曰竟陵

丁亥周將王延貴帥衆援歷陽任忠擊破之

生擒延貴

將即亮翻下同帥讀曰率下同任音壬

壬辰周廢皇后司馬

氏為庶人

以司馬后父消難起兵而南叛也

庚戌以隨世子勇為洛州

摠管東京小冢宰摠統舊齊之地

自關以東河汾以北皆舊齊之地東京小

冢宰此洛州所置六府官也

壬子以左丞相堅為大丞相罷左右丞

相之官冬十月甲寅日有食之

周丞相堅殺陳惑王

純及其子

純周五王之一也故楊堅加之惡謚

周梁睿將步騎二十萬

討王謙

騎奇翻

謙分命諸將據險拒守睿奮擊屢破之蜀

人大駭譙遣其將達奚碁高阿那肱乙弗虔等帥衆十

萬攻利州

五代志義城郡後魏立益州世號小益州梁曰黎州西魏復曰益州又改曰利州碁渠記

翻堰江水以灌之

嘉陵江在利州城西

城中戰士不過二千摠管

昌黎豆盧勣晝夜拒守

隋書豆盧勣傳勣昌黎徒河人本姓慕容燕北地主精之後也

中山敗歸魏北人謂歸義為豆盧因氏焉

凡四旬時出奇兵擊碁等破之會

梁睿至碁等遁去睿自劔閣入進逼成都譙令達奚碁

乙弗虔城守親帥精兵五萬背城結陳睿擊之譙戰敗

將入城碁虔以城降

守手又翻帥讀曰率背蒲昧翻陳讀曰陣降戶江翻

譙將麾

下三十騎走新都

新都縣屬蜀郡九域志新都縣在成都北四十五里將即亮翻騎寄翻

走音奏新都令王寶執之戊寅睿斬謙及高阿那肱劍南

平蜀地在劍閣之南故曰劍南十一月甲辰周達奚儒破楊永安

沙州平

奚下儒上脫長字

丁未周郎襄公韋孝寬卒

謚法辟地有德曰襄

又甲冑有勞曰襄卒子恤翻

孝寬久在邊境

梁武帝中大同元年韋孝寬鎮玉壁宇文與高

氏兵爭倚為蕃扞有年數矣

屢抗彊敵所經略布置人初莫之解

解戶

賈翻見其成事方乃驚服雖在軍中篤意文史敦睦宗

族敦厚也

所得俸祿

俸扶用翻

不入私室人以此稱之 十二

月庚辰河東康簡王叔獻卒

謚法溫柔好樂曰簡一德不懈曰簡

癸亥

周詔諸改姓者宜悉復舊

宇文泰以諸將補九十九姓見一百六十五卷梁元帝承

聖三年上書十二月庚辰此書癸亥自庚辰至癸亥四十四日庚辰必誤按長歷周陳十二月皆壬子朔恐是

丙辰

甲子周以大丞相堅為相國總百揆去都督中外

大冢宰之號

去羗呂翻

進爵為王以安陸等二十郡為隨國

按隋書帝紀時以隨州之崇業鄖州之安陸城陽溫州之宜人應州之平靖上明順州之淮南土州之永川昌州之廣昌安昌中州之義陽淮安息州之新蔡建安豫州之汝南臨潁廣寧初安蔡州之蔡陽鄖州之漢東二十郡為贊拜不名備九錫之禮

是時九錫之禮一大輅戎輅各一玄牡二駟二

衮冕之服赤舄副馬三軒懸之樂六佾之舞四朱戶以
居五納陞以登六虎賁三百人七鈇鉞各一八彤弓一
彤矢百盧弓十盧矢千九秬鬯一卣圭瓚副焉堅受王爵十郡而已辛未殺代


翼王達滕聞王適及其子

既殺二王亦皆加以惡謚謚法不醉而怒曰翼色取行違

曰聞翼平秘翻

壬申以小冢宰元孝規為大司徒是歲周境

內有州二百一十一郡五百八



資治通鑑卷一百七十四